

弘

簡

錄

弘簡錄卷二百五十一

明刑部員外郎仁和弘齋邵經邦學

皇清翰林院侍講學士四世孫遠平校閱

附載 回紇

特健俟斤

子苦薩

吐迷度

子婆聞孫獨支解伏帝制永宗

骨力裴羅

子摩

移地健

頭莫賀

子多遜斯

阿奴

骨咄麻摩里野

保義

崇德昭禮彰信

盧駁

駁曼斯盧沒斯

烏介

遜

五代王仁美

宋夜落紇等

回紇藥羅葛氏自隋以前備載文獻通考唐初有特健俟斤者

衆推爲君長妻烏羅渾性嚴明能平決部事子菩薩材勇有謀

善籌策戰必身先所向摧破故下皆畏附由是寔盛與薛延陀

共攻突厥引騎五千破頡利十萬衆于馬鬣山追至天山大俘

其人聲震北方遂附延陀相唇齒號活頡利發樹牙獨樂水上

弘簡錄

卷二百五十一

附載回紇

貞觀三年始來朝獻方物突厥已亡此爲最雄菩薩死而其將  
胡祿俟利發吐迷度與諸部攻殘延陀并有其地二十年遣使  
入貢并鐵勒等十一部皆獻款太宗宴之內殿駕幸靈州次涇  
陽受其降引見渠長等凡數千人置都督府六瀚海卽回紇部  
燕然卽多覽葛部金微卽僕骨部幽陵卽拔野古部龜林卽同  
羅部廬山卽思結部州七以渾爲卑蘭州斛薛爲高閼州阿跌  
爲雞田州契苾羽爲榆溪州奚結爲雞鹿州阿布思爲歸林州  
白霫爲眞顏州其西北結骨部爲堅昆府北骨利幹爲元闕州  
東北徧羅勃爲燭龍州皆以將領爲都督刺史長史司馬卽故  
單于臺置燕然都護府以統之拜吐迷度懷化大將軍瀚海都  
督時已自稱可汗置官吏一如突厥有外宰相六內宰相三并  
都督將軍司馬之號帝更詔特健俟斤他部爲祁連州隸靈州

都督白霫他部爲居延州二十二年兄子烏乾忝其妻與瀚海  
都督俱羅勃誅亂刦殺吐迷度燕然副都護元禮臣復給殺烏  
乾帝恐諸部解散命兵部尚書崔敦禮持節臨撫贈吐迷度左  
衛大將軍擢其子婆閏左驍衛大將軍襲父所領俱羅勃入朝  
帝留不遣詔回紇屬西突厥阿史那賀魯因不肯從改領燕然  
都督府永徽二年以騎五萬助契苾何力等破賀魯復北廷顯  
慶初又從任雅相等再破賀魯金牙山追至耶羅川盡收所據  
地遷右衛大將軍從討高麗皆有功龍朔中婆閏死妹比果毒  
主領衆與同羅僕固犯邊高宗命鄭仁泰討平僕固等比果毒  
敗走因以鐵勒部爲天山縣至永隆中子獨解支嗣時突厥默  
曷方強取鐵勒故地因與契苾思結渾三部度磧徙甘涼間唐  
常取其壯騎佐赤水軍旣死其子伏帝匄立助唐攻殺默曷別

部移健頡利發與同羅等皆來朝詔置其部於太武軍北邊  
死其子承宗立涼州都督王君奭誣暴其罪流死濠州族子瀚  
海府司馬獲輪乘衆怨共殺君奭梗絕安西諸國朝貢久之奔  
突厥死至天寶初子骨力裴羅立會突厥亂與葛邏祿自稱左  
右葉護助拔悉密擊走烏菴可汗後三年復襲破拔悉密斬跌  
伊施可汗遣使自稱骨咄祿毗伽闕可汗詔封爲奉義王南居  
突厥故地徙牙烏德隄山昆河之間南距西城千七百里卽漢  
高閼塞北盡磧石三百里悉有九姓地九姓者葉羅葛卽同并  
胡咄葛咄羅勿貊歌息訖阿勿啗葛薩斛鹽素藥勿葛奚邪勿  
與僕骨渾拔野古同羅思結弊苾六種相等部不列於數後破  
有拔悉密葛邏祿總十一姓並置都督號十一部落自是戰常  
以二客部爲先鋒遣使者資冊拜爲骨咄祿毗伽闕懷仁可汗

明年又攻殺突厥白眉可汗。斥地愈廣。東極室韋。西抵金山。南控大漠。盡得古匈奴地。遣頡頏羅達干來上功。加左驍衛員外大將軍。未幾死。其子磨延啜立。號葛勒可汗。剽悍善用兵。歲遣使入請于肅宗。助討祿山。詔燉煌郡王承寀往約。可汗喜之。以可敦妹爲女。結婚承寀。帝欲固其心。冊封爲毗伽公主。俄進王妃。因召兵。卽自將與郭子儀合破同羅諸番于河上。帝在彭原。遇之甚厚。至德二載。遣大將軍多釐等及太子葉護將四千騎來封承寀。亦爲葉護。給四節令。與太子共將。惟帝所命。廣平王見之。約爲昆弟。葉護大喜。使首領達干等先到扶風。見子儀。犒飲三日。賜牛五十角。羊八百蹄。米四十斛。香積之戰。陣于禮上。賊詭伏騎於左。將襲王師。僕固懷恩麾使馳之。盡殲其伏。仍超出賊背。與李嗣業夾擊之。賊遂大敗。進收長安。懷恩復率其衆

南壁產東進次陝西戰新店初至曲沃使將軍鼻旋土撥裴羅  
旁南山谷中東出搜賊有伏者悉殲之營于山陰望見子儀等  
軍亂而卻卽踰西嶺曳旗趨賊飛矢出其後賊反顧皆大驚潰  
追奔數十里人馬騰蹂死者不可計收仗械如丘茲人導之大  
掠東都三日府庫窮殫廣平王欲止不可耆老賂以繒錦萬疋  
始止不剽還京帝遣羣臣勞之長樂入朝前殿召升階席將頌  
於下賜宴并錦繡繒器葉蘗頓首願留兵沙苑臣歸料馬以收  
范陽除殘盜帝勞曰爲朕竭義勇成大事卿等力也詔進司空  
爵忠義王歲給絹二萬疋俄以罪先死乾元初遣使者多彥阿  
波來請婚與黑衣大食將閤之等俱朝爭長有司使異門並進  
許以幼女寧國公主下嫁詔漢中郡王瑒攝御史大夫持節冊  
命爲英武威遠毗伽可汗副以右司郎中兼御史中丞吳爲禮

會使僕射裴冕送之帝幸咸陽儀公主數慰勉主泣辭國方多  
難死且不恨瑀至可汗衣赭袍坐帳中引瑀立帳外問天子何  
屬答曰從昆弟始引入不拜瑀言天子顧盼有功以愛女結好  
可汗當以壻禮見安可踞而受詔可汗慚乃起拜受冊翌日尊  
主爲可敦盡以所資賜物分其麾下將領還日獻馬五百疋并  
貂裘白氍等遣王子骨曠特勒宰相帝德等率騎三千助討賊  
又遣大首領蓋將軍與三女子謝婚并告破堅昆功明年其九  
節度戰相州奔還京師帝厚賜慰諭遣還自後益負功每納一  
馬取直四十緡歲求售數萬使者相躡皆駘弱不堪帝厚賜欲  
以愧之不知也俄而可汗死國人欲以主殉墓主不可惟從其  
俗勢面而哭以無子得還獨留所從榮王女爲可敦號少寧國  
其次子移地健立號牟羽可汗其妻僕固懷恩女立爲可敦實



應元年八月史朝義給以唐國有喪無主且亂請入收府庫可  
汗卽引兵南代宗復遣中人劉清潭往結好且發其兵爲言先  
帝雖棄天下廣平王已卽天子位故與葉護收二京破安慶緒  
其仁聖英武類先帝且與可汗素厚時兵已踰三城見州縣榛  
蕪烽障無守有輕唐意數以語凌滑渾還密白帝爲之震驚遣  
殷中監葉子昂迎勞且視軍遇于太原始號十萬密識之賊四  
千孺弱萬餘與可敦偕來帝令懷恩往會聲言助天子討賊詔  
拜雍王天下兵馬元帥子昂兼御史中丞與右羽林衛將軍魏  
琚爲左右廂兵馬使中書舍人韋少華爲判官中丞李進行軍  
司馬時可汗壁陝州北王往見之賁以何不蹈舞子昂言王嫡  
皇孫兩宮在殯不可行此禮詰以可汗唐天子弟於王叔父行  
容有不蹈舞乎子昂固拒今爲元帥他日將主蕃漢蹈舞不可

可汗怒卽引子昂等四人榜之百瑊與少華皆死王還宮官軍  
忿恚將合誅回紇王以賊未滅止之贈少華左散騎常侍瑊楊  
州大都督賜一子六品官時懷恩并左殺爲先驅與諸將同戰  
橫木賊敗走進收東都放兵剽掠人皆遁保聖善白馬二浮屠  
怒而火之殺萬餘人使拔賀那入朝并獻獲朝義旗物留屯河  
陽三月人困剽劫再同僕固瑒率戰朝義蹀血二千里河北悉  
平詔遣王翊就其牙冊號爲登里靬靬登密施舍俱錄英義建  
功毘伽可汗婆墨光親麗華毘伽可教頡頏譯言社殺法用登  
密施譯言封竟舍俱錄  
譯言婁羅毘伽譯言足  
意智婆墨譯言得婢下至宰相共賜實戶二萬封左殺雄朔  
王右殺寧朔王胡祿都督金河王拔覽將軍靜漠王十都督皆  
國公懷恩道相州送可汗出澤潞由太原歸途益橫詬折官吏  
夜以兵斫舍光門入鴻臚寺朔方軍乘之肆爲暴虐汝鄭間戶

悉無完。永泰初，僕恩誘使入寇，與吐蕃爭長。其首領潛詣涇陽，見郭子儀，因率麾下叩其營。子儀易服釋甲，出旗門下馬見之。渠長相顧而拜，衆數千分左右翼被甲環視。俄子儀部下李光進、路嗣恭亦至，麾下左右令卻命酒與飲，遺以纒頭綵二千，召可汗弟合胡祿都督藥羅葛等執手讓曰：「上念回紇功，厚相報遺。何負而來？我今挺身獨入爾營，任汝殺我。吾將士必能擊汝，其渠長皆誓服云。懷恩負心，我一時聽信詭辭，今咸不然。我等願還擊吐蕃，以報厚恩。然懷恩子乃可敦之弟，願赦其死，於是相持請盟。咀言唐天子萬歲，回紇可汗亦萬歲，二國將相如之。設有負約身死，行陳家遭屠戮，國相磨咄莫賀達干等皆喜言。初來時，巫言此行大安穩，不與唐家兵馬鬪。見一大人卽歸，今果然。乃分纒頭以賞巫師，請諸將同擊吐蕃。會大雪，吐蕃方閉營。」

撤備送大勝獲蕃相護地毘伽將軍梅錄一百人皆來朝上賜  
宴延英殿錫賚不可計大曆三年可致卒遣使弔祭明年詔續  
其婚卽以懷恩幼女爲崇徽公主嫁之冊拜可致賜緡綵二萬  
時財用大屈稅公卿廐馬橐駝以給行裝宰相餞中渭橋其徒  
留京師者市掠女子引騎犯皇城門皆盡閉詔濟渾慰止復出  
暴市物奪長安令邵說馬不敢訶詰十年又以萬馬來售殺人  
橫道京尹黎幹捕之詔貸勿劾都人厭苦帝不忍重煩爲償帛  
六千德宗立使中人告喪且修好時九姓種勸其入寇衆怒其  
挾私貨殖厚產大將頭莫賀達于諫曰唐大國且無負于我前  
年入太原獲羊馬數萬以道遠艱阻比及圍傷耗畧盡今若舉  
而不克將安歸乎不聽因衆怒擊殺可汗并圖親信黨與及國  
人二千頭莫賀自立爲合骨咄祿毗伽可汗遣渠長從使者入

初建中元年詔京兆少尹源休持節冊爲武義成功可汗羣種  
聞之懼不敢歸反獻計軍使張光晟言回紇非素彊賴九姓助  
之爾今其國亂兵互相加宜乘此時立功誅之會可汗諸父突  
董窮密施大小梅錄等還國裝聚係道皆藏中國女子光晟陰  
伺得之乃使裨校陽爲不禮突董果怒襲之光晟因勒兵盡殺  
羣黨收駝馬數千緡錦十萬并女子俱送長安遣中人與使者  
聿達于往言回紇伏大將謀取振武謹先誅之休俟命太原明  
年始行因歸突董等四喪旣至可汗令大臣具車馬出送其大  
相頡干迦斯踞坐賁殺突董事休言彼自與光晟鬪死非天子  
命大相曰何不假手令我自殺爾之五旬幾死卒不得見可汗  
令傳語曰國人皆欲殺爾我謂突董等已亡今若以血濯血徒  
汗無益不如以水滌血其爲吾言有司所負馬直一百八十萬

可速質我遣散支將軍康赤心等隨休來朝帝隱忍賜以金帛  
貞元三年仍遣使獻方物表請和親帝始以陝州故憾欲與絕  
語宰相李泌方天下多難和親待子孫圖之泌曰曩事乃牟羽  
可汗今可汗知陛下卽位故殺之遣使來告垂髮不翦待天子  
命雖幽使人然卒完歸則已無罪帝曰卿言則然顧朕不可負  
少華等泌曰臣謂陛下不負少華少華乃負陛下且回紇君長  
挺身赴難陛下在藩春秋未壯計當先定會見之禮奈何子身  
輕意渡河日進豺虎之場臣背爲先帝行軍司馬方禦護來使  
宴之於府及議征討不許臣見葉護邀臣至營亦不許好謂曰  
主當勞客客反勞主耶及約收東京土地人民歸我玉帛子女  
予回紇葉護乃欲大掠先帝下馬拜之以全京城顧今不拜可  
汗固伸威於彼何恨焉藉令少華等見可汗時閉壁五日縱與

陛下張飲。天下豈不寒心哉。而天助威神。使彼馴服。可汗之母以貂裘捧陛下叱左右促命騎躬送出營。至今銘石國門曰。唐使來當使知我前後之功。今來請和必舉部南望陛下不答其怨。必深願聽其婚。而用開元故事如突厥可汗稱臣約和。帝善其言。詔以咸安公主下嫁。報請如約。遣合闕達干見主於麟德殿。使中謁者齎主畫圖以賜。明年遣蕃相跌跌都督等衆千餘并妹骨咄祿毗伽公主率大將之妻五十同來親逆。且納聘。帝御延喜門見之上。書恭甚。言昔爲兄弟。今乃半子。請以兵除西蕃之患。及易號曰回鶻。言提鶻猶鶻也帝欲饗公主。問禮於泌。對曰。肅宗當艱虞時。視燉煌王爲從祖兄。妻回鶻女。方藉其用。猶以臣之。但呼曰婦。而不名爲嫂。況今日乎。詔乃引主入銀臺門。長公主三人候諸內。譯史傳導。拜必答。帝御秘殿。長公主先入侍主。

入拜謁已內司賓導至長公主所乃與俱入至宴所賢妃降階  
候主拜妃答拜由西階升乃坐帝有賜則降拜餘則避席拜妃  
公主皆答拜訖歸凡再饗設置咸安公主官屬如諸王府以嗣  
滕王湛然爲婚禮使右僕射開播護送且將冊書拜可汗爲汨  
咄祿長壽天親毗伽可汗公主爲智慧端正長壽孝順可教出  
故時少寧國公主於外已歷事英武英義二可汗遂殺之五年  
可汗死其子多邏斯立國人號泮官特勒遣鴻臚卿郭鋒持節  
冊爲忠貞可汗妻懷恩女孫父爲回鶻葉護故女號葉公主自  
天寶末安西北廷阻絕朝貢咸假道回鶻因其求取無厭沙陀  
別部六千帳與素臣回鶻葛祿白眼突厥皆怨苦之因附吐蕃  
共寇北廷頡于迦斯與戰不勝北廷陷死者大半回鶻大恐六  
年移其部落南避時可敦年少其弟毒殺可汗而自立大臣與



國人共殺之乃立忠貞幼子阿廢遣達特勒梅錄將軍來告且聽命詔鴻臚少卿庾鐸冊爲奉誠可汗俄以律支達于來告少寧國公主之喪七年八月回鶻火攻吐蕃葛祿於北廷勝之道殺支將軍獻俘明年唐人呂貝來朝貢可汗養爲子遂從其姓帝以其用事賜賚殊優拜檢校右僕射十一年奉誠死無子而國人立其相骨咄祿爲可汗本跋跌氏少孤爲大首領所養爲人辯敏材武當天親時數主兵諸將尊畏自以藥羅葛世有功不敢名其俗而盡取可汗子孫內之朝廷詔秘書監張薦持節冊拜爲懷信可汗永貞元年死詔鴻臚少卿孫果臨弔因冊所嗣爲滕里野舍俱錄可汗元和初再朝獻嘗與摩尼其國其法飲水不茹葷腥醢酪日晏後食及至京師歲往來西市頗與商賈囊橐爲姦三年來告咸安公主喪主歷四可汗居凡二十一

歲無幾可汗亦死四年又遣宗正少卿李孝誠冊所嗣爲保義  
可汗請改國號。廻紇。義取廻旋輕捷如紇也閱三歲使者再朝請婚未報

以三千騎至鴈鵠泉。朝命廻紇盛強北邊空虛令以兵屯振武  
之黑山。治天德城。飾壁壘以備之。李絳奏言臣觀今日處置未  
得其要。所憂邊鄙有五。一廻紇進馬規直再歲不至。豈誠却利  
厭慾殆欲風高馬肥外肆侵軼。二兵力未完。斥候未明。戈甲未  
備。城池未固。飾天德則彼必疑虛。增西城則磧道無倚。三城堡  
要害攻守險易當謀之。邊將今乃規裁廟堂之上。外制河塞。彼  
猝有犯。應接失便。四凡寇掠調發諸州在旬朔外。而係累人畜  
在旦夕內。比王師至彼已遁歸。設若久留役恐轉廣。五吐蕃廻  
紇遇自相攻。我可無虞。若令解仇結約立見拱手受禍。臣謂宜  
聽其婚。使守藩禮。亦有三利。其一烽燧不驚。城堞可治。盛兵以

畜力積粟以固軍。二淮右垂盡之寇既無，北顧憂可專力南事。三北既親於我，西怨益深，內不得寧，國受其安。今舍三利，取五憂，甚非計。時方討吳少陽，帝以有司度費五百萬，不用其言。遣摩尼所信奉者往諭穆宗立許以婚，而可汗死，因冊立其嗣爲崇德可汗。遣都督思結等同葉護公主來逆，女部渠二千人納馬二萬，繫駝千，詔許五百人至。長安餘留太原以憲宗女太和公主下降，命金吾將軍胡証、光祿卿李憲持節護送。太府卿李說爲婚禮，使冊主爲仁孝端麗，明智上壽，可敦告于廟。天子餞通化門，羣臣班辭于道。既出塞，距牙百里，回紇使欲如咸安，故事與主由間道入以証不可而止。至日，可汗升樓東向，坐下設毳幔，以居公主。一姆侍出西向拜，已退，卽次。被可敦服絳通裙，大襦金冠，前後如角，而銳，復出拜。已乃升曲輿，九相分負右旋。

于延者九降輿升樓與可汗聯坐東向羣臣以次謁可敦亦自建牙以二相出入帳中証等歸克敦大宴悲啼眷慕可汗厚贈使者遣部將李義節率兵三千佐裴度以伐幽鎮兵及豐州厚賜乃還敬宗卽位其年可汗死弟曷薩特勒立遣使者冊爲昭體可汗賜幣十二車文宗初又賜馬直絹五十萬太和六年爲其下所殺其從子胡特勒立使者來告冊爲彰信可汗開成四年其相掘羅勿以前殺宰相安允合特勒柴草致怨遂作難可汗自殺而國人立廬駁特勒方歲饑疫又大害羊馬多死未及命而武宗立以嗣澤王溶臨告俄爲渠長句錄其質與黠戛斯合騎十萬攻其城殺特勒誅掘羅勿其相駁職擁外甥麗特勒及男鹿并遏粉等兄弟五人一十五部奔葛邏祿殘衆潰入吐蕃安西其近牙十三姓部族率烏介特勒爲可汗南保錯子山

黠戛斯自稱李陵之後與國同姓送太和公主至塞上烏介刼之南度大磧至天德界遣使來言烏介已立請授朝命大臣頡干伽思等又請假振武居公主可汗帝不許明年奉主至漠南入雲朔王子盟沒斯與宰相朱邪赤心部帳七千剽橫水殺掠甚衆特勒那頡噶收赤心衆東走因室韋黑沙南關幽州爲張仲武所破悉得其衆烏介執那頡噶殺之時兵尚疆號十萬駐牙大同北閭門山會昌三年盟沒斯阿歷支習勿噶三部詣振武降詔拜沒斯右金衛大將軍爵爲王賜姓名李思忠阿歷支習勿噶烏羅思並爲冠軍大將軍愛邪勿右領軍大將軍爵皆爲公賜姓名李思貞思義思禮弘順仍給牙旗豹尾刀器諸物頒其屬冠帶詔宰相李德裕采秦漢以來殊俗忠效卓異者凡三十人爲異域歸忠傳以寵之沒斯請留族太原車昆弟爲邊

扞禦帝命劉沔列處雲朔間可汗遣使者藉兵欲還故廷且假天德城帝又不許因恚忿進畧大同川轉戰雲州諸將固壁不致出詔益發兵屯太原以北拜劉沔南面招討使命刺史銀州何清朝蔚州并必通出蕃渾兵與沔武合逼廻紇思忠數深入諭降其下弘順進次雲州思忠屯保大柵沔益以河中陳許騎五百鏖戰敗之明年又爲弘順所破烏介方薄振武沔與石雄夜出追北迎還公主降特勒以下衆凡數萬盡收輜帑及所賜詔書其餘衆數千往依黑車子困於饑寒不能爲軍詣幽州降詔弘順等窮蹙募殺烏介者厚啗以利黑車子幸其殘殺之金山詔德裕紀功銘石于幽州以夸後世廻紇旣亡思忠等皆願入朝擢左監門衛上將軍兼撫王傳賜第永樂坊罷所置歸義軍分其兵賜諸節度餘衆憚之仍據淳化河以叛沔復坑殺

三千人詔回鶻營功德使在二京者悉冠帶之有司收摩尼書燒于道產貨入官其部下又奏其弟遏捻特勒爲可汗哀殘部五千仰食於奚大將碩舍朗大中初仲武復討破之所存名王貴臣五百餘轉依室韋分其餘衆別爲七姓室韋各占其一遏捻懼仲武羈致挾妻葛祿子特勒壽斯夜委衆馳九騎西走部人追奔不及皆慟哭點戛斯怒與其相阿播將兵七萬擊室韋悉收迴紇還磧北遺帳伏山林間狙盜自給稍歸麗特勒自稱可汗居甘州有磧西諸城宣宗務綏遠遣使者抵靈州省其渠長因遣人隨使者來朝冊爲懷建可汗後十餘年一再獻方物懿宗時大將僕固俊擊斬吐蕃尚恐熱盡取西州輪臺等城使達干米懷玉來朝獻俘因請詔命其後王室亂朝貢不常昭宗幸鳳翔請率兵赴難靈州節度韓遜表聞學士韓偓譏舊爲

國仇自會同時同邊羽翼未成不得逞今乘我危不可開其冀幸遂格不報五代之際甘州回鶻數至不見其君長名號梁乾化元年遣都督周易言等來拜以官爵遣左監門衛上將軍楊沼押領還蕃至唐莊宗時王仁美來貢玉馬自稱權知可汗遣司農卿鄭續持節冊爲英義可汗卒其弟秋銀立遣都督安干想等來同光四年秋銀卒阿咄欲立史冊無聞天成二年權知國事王仁裕遣李阿山等來朝明宗冊爲順化可汗晉高祖改奉化可汗終五代世常來朝貢卒子景瓊立其地多出玉禁民私市有犯輒罪周太祖除其禁價賤反倍顯德中來獻世宗以爲無益却之宋建隆二年景瓊仍來朝獻三年遣阿都督等四十二人來貢方物乾德三年貢玉并琥珀犛牛尾貂鼠等三年遣使趙黨誓等四十七人貢團玉琥珀紅白犛牛尾開寶中宰



相鞠仙越亦貢馬時甘州有可汗王西州有克韓王新復州有黑韓王名大抵訛皆題紇西奔時族種散處太平興國二年冬遣殿直張瑊齎詔諭甘沙州回鶻可汗賜以器幣招致名馬美玉以備車騎琮璜之用五年可汗夜落紇密禮遇遣使裴溢的等四人獻驘駝名馬珊瑚琥珀四年合羅州回鶻第四族首領遣使朝貢端拱二年九月回鶻都督石仁政言麼囉王子邈挾王子越黜黃水州巡檢四族並居賀蘭山下無所統屬諸部入貢多由其地自爲靈州馮暉阻絕不通貢奉乃今有內附意各賜以錦袍銀帶咸平四年可汗王祿勝遣樞密使曹萬通貢玉勒名馬獨峯無峯驍馳寶鐵劍甲琉璃器等自言本國甲馬甚精願朝廷命使統領當縛李繼遷以獻詔優賜祿勝器服特授萬通左神武大將軍諭以賊遷凶悖當就覆滅之意更不遣使

臣一切委卿統制景德元年夜落紇遣使來貢四年遣尼法仙等來朝獻馬許遊五臺山又遣僧翟入奏欲建佛寺京城祝延聖壽不許祥符元年夏州萬子等軍主領族兵趨回鶻被其設伏要路俟過奮擊斃殆盡惟萬子軍王挺身脫走甘州亦遣使至言德明侵軼之狀意頗輕之其年夜落紇寶物公主及沒孤公主娉溫宰相各遣使來貢東封禮成賜可汗介冑授進奉使姚進寧遠將軍公主進奉使曹進安化郎將賜以袍笏三年又遣左溫宰相何居錄越樞密使翟符守榮等三十人來貢從祀汾陰秦州回鶻安密道獻玉帶禮成授翟符守榮左神武大將軍安殿民保順郎將餘皆賜冠帶器幣夜落紇復請加恩敗趙德明立功首領給司戈司階郎誥勅十道使得承制補署先是甘與夏州數戰鈔奪貢奉及宗哥族感悅恩化遣人援送其

使故頻年得至京師既而唃廝囉欲娶可汗女以無聘財不許  
因爲讎敵宗哥復阻貢路五年秦州遣指揮使楊知進譯者郭  
敏迭進奉使至甘州留不敢遣八年敏方得還可汗上表謝恩  
言寶物公主疾死以西凉人蘊守信刦亂不時奏聞賜以寶鈿  
銀匣曆日及安撫詔書九年知進亦至乞慰諭宗哥使開朝貢  
之路遣敏等賜以詔書并可汗器幣其年使來朝貢言夜落紇  
卒九宰相諸部落奉夜落隔歸化爲可汗王領國事天禧二年  
遣都督安信等來朝天聖元年遣使阿葛之王文貴來貢方物  
六月詔封甘州廻紇夜落隔通順歸忠保順可汗王二年五月  
遣都督習信等十四人來貢馬及黃湖綿細白氍三年四月可  
汗王公主及宰相撒溫訛進馬乳香賜銀器金帶衣著暈錦旋  
欄有差五年八月遣使安萬東等一十四人來貢方物熙寧元

年入貢賜以黑本大般若經六年復來補其首領五人爲軍主  
歲給綵二十疋神宗問其種落生歲幾何對曰三十餘萬壯可  
用者二十萬因勅李憲使諭回鶻合阿里骨發兵深入夏境時  
般直皇甫旦往不得前妄奏功狀逮赴御史獄抵罪然回鶻使  
不常來宣和中間因入貢散而之陝西諸州公爲貿易至留久  
不歸朝廷慮其習知邊事且往來皆經夏國於播傳非便乃立  
法禁之

弘簡錄卷二百五十二

明刑部員外郎仁和弘齋邵經邦學

皇清翰林院侍講學士四世孫遠平校閱

附載 南詔

蒙舍龍

皮羅閣

閣羅鳳

異牟尋

子尋同勳孫勳龍晟

勸利

豐祐

酋龍

蒙法

舜化

終五代及宋

南詔本烏蠻別種姓蒙氏。自言哀牢之後。代居蒙舍州。在漢永昌故郡東。姚州之西。其渠帥有六。蠻語王爲詔。號六詔。蒙揭詔最大。次越析詔。浪窮詔。邏睨詔。施浪詔。各有君長。兵力相埒。無統帥。自諸葛亮征後。臣伏內國。唐初蒙舍龍傳迦獨麗至細故邏。高宗時來朝。又傳邏盛炎。武后時來朝。賜錦袍金帶歸國。開元初子炎閣立。死弟盛邏。皮立死。其子皮邏閣立。二十六年授

特進封越國公賜名歸義以破江河蠻功策授雲南王日漸強盛餘五詔寢弱乃以利啖劍南節度王昱奏合六詔爲一漸服

羣蠻破吐蕃之衆益以騎大每入覲朝廷加禮表異先是炎閣

無子以閣羅鳳爲嗣及取大和城以城龍口以處羅鳳

蠻語山城陀爲

和故謂大和二十七年乃徙居之天寶四載遣羅鳳子鳳迦異入宿

衛拜鴻臚卿歸國恩賜甚厚時節度使章仇兼瓊遣使至雲南

與歸義語言不相得意常卿之七載卒而閣羅鳳襲雲南王以

迦異爲陽瓜州刺史詔特進何履光以兵定南詔境取安寧城

內有五井人得煮鹽目給一併取之無何鮮于仲通節度劍南

福急寡謀張虔陀爲雲南太守性復驕詐待之下以禮常與其

妻子謁見皆私之有所徵求多不應加以罵辱仍密奏其罪惡

羅鳳忿怒因發兵反攻殺虔陀取姚及小等三十二州十載仲

通事兵分道出戎馬曲靖等州羅鳳遣使謝罪願還所掠自言  
吐蕃大兵壓境若不許當歸命于彼恐雲南地非唐有仲通不  
許囚其使進逼大和城兵敗引還南詔遂臣吐蕃蕃語弟爲鍾  
立羅鳳爲贊普鍾號曰東帝給以金印揭揭國門我上世臣奉  
大唐不得已而叛唐使者可雪吾罪也時楊國忠當政奏徵天  
下兵十餘萬將以待御史李宓輩餉相屬敗于大和城北并涉  
瘴死十有八九天下騷然苦之又乘安祿山反攻陷嶺州掠西  
瀘令鄭回及會同軍據清溪關以破越析又西降尋傳驃諸國  
尋傳國者俗無絲織踐履榛棘不苦射兔猪生食其肉戰以竹  
籠頭如兜鍪其西有裸蠻不耕食漫散山中無君長作松舍以  
居男少女多廣德初鳳迦異築柘東城得諸葛亮故碑文曰碑  
卽仆蠻爲漢奴迦異先羅鳳而卒至大曆十四年立其孫異牟  
尋數有智計善於撫衆畧能知書母卽李獨錦蠻女亦烏蠻種

在秦藏川南天寶中命其長爲歸州刺史世與南詔婚聘德宗  
初異牟尋率衆二十萬與吐蕃并力一趙茂州踰文川擾灌口  
一趙扶文掠方維白壩一侵黎雅卽邛邛關欲取蜀爲東府進  
陷城聚人率走山詔發禁衛及幽州軍以援東川與山南兵合  
大敗蠻衆斬首六千級生擒捕傷及顛踣崖峭且半異牟尋懼  
更徙苴咩城築袤十五里吐蕃封爲日東王然以責賦重數歲  
索兵助防悉奪險隘建立營候稍以爲苦所獲鄭回本相州人  
天寶中舉明經羅鳳重其儒學更名蠻利伴教子孫得加筆榜  
國中無不敬憚之蠻謂相爲清平官凡置六人列回爲首柔政  
用事說以本國昔嘗款附大唐有禮義少求取非若吐蕃貪恠  
無厭若復棄蕃歸唐且免遠戍利莫大焉異牟尋善之稍謀內  
附十餘年末敢發貞元四年節度使韋臯微聞其意遣諜者遣



書後五年決計來歸遣三使異道同趨成都遣臯帛書言六不可忍曾祖有寵先帝後世蒙襲襲緣多故無由自新代祖棄背吐蕃詐給百情懷惡神川都督論納舌使浪人利羅武眩惑發兵今十二年天禍蕃廷尚結贊陰謀圖害太子弟兄流竄近臣平日功臣無一二在納舌等皆冊封王小國奏請不令上達又遣納舌通城部落皆驚弊邑不堪利羅式私取重賞今吐蕃委以甲士六十侍衛因知懷惡不謬有如輪生實汗辱先人辜負部落每慮吐蕃陰毒野心輒懷搏噬往退渾王爲其所害孤遺受欺西山女王見奪其位拓拔首領並蒙誅刈僕固志忠身亦喪亡其禍又將及我往朝廷降使招撫情心無二詔函信節皆送番廷雖知中夏至仁業爲蕃臣吞聲無訴故願竭誠歸款爲唐蕃輔請加戍劍南西山涇源等州安西鎮守揚兵四臨委回

鵠諸國所在侵掠使吐蕃勢分力散不能爲疆此西南隅不煩  
天兵威可立功且獻黃金以喻順革向化之意丹砂以示赤心  
帝嘉之賜以詔書命舉遣巡官崔佐時至其國與牟尋畏吐蕃  
使者先在陰戒佐時稱牂柯使者服其衣以入佐時謂我大唐  
所遣安肯從小邦服不得已至夜迎之設位陳燎佐時宣天子  
意與牟尋顧左右失色流涕受命使其子閣勒及清平官盟  
點蒼山藏書四一藏神祠石室一沈西洱水一置祖廟一以進  
天子乃發兵殺吐蕃使者不用所立帝號遣曹長段南羅趙迦  
寬隨佐時入朝刻金帛以獻陰欲襲吐蕃先詞兵萬人禦回鶻  
賜示寡弱以三千人前行自將數萬兵踵後大破吐蕃于神川  
遣弟淡羅棟清平官尹仇寬等入獻地圖方物請復號南詔厚  
加賜資授仇寬左散騎常侍封高溪郡王明年六月遣祠部郎

袁滋持節冊爲南詔王成都少尹麗頤副之俱文珍爲宣慰使  
崔佐時劉幽巖俱爲判官滋至大和城遣兄蒙細羅勿等來迎  
異牟尋金甲蒙虎皮執雙鐸鞘千人爲衛大象十二前引次列  
騎與徒軍詰旦受冊率官屬北面立宣慰司東向冊使南向讀  
詔由開元天寶至此五十年貞元皇帝洗痕錄功復賜諡命子  
子孫孫永爲唐臣因大會其下享使者出先時宿衛所賜銀平  
脫馬頭盤弁歸國時賜蕃部龜茲樂二列今喪亡畧盡惟笛工  
歌二女在酒行異牟尋坐奉觴滋受觴颺言當深恩祖考成業  
抱忠竭誠後嗣永以不絕尋拜曰敢不承命滋還復遣清平官  
尹輔曾等入謝獻鐸鞘浪劍斡刀生金瑟瑟牛黃琥珀氎紡絲  
象犀越睽統論馬鐸鞘者狀如殘忍有孔旁達出麗水飾以金  
所擊無不洞蠻人尤寶月以血祭之帶刀浪  
人所竊故又名浪劍鎗時以毒藥并治取迎躍如星者凡十年  
乃成祥以馬血用金犀以飾鐸首傷人卽死王所佩傳七世矣

明年攻吐蕃復取昆明城又破施順二蠻並擒其王置白崖城

因定磨些蠻隸昆山西爨故地破茫蠻掠弄棟蠻漢裳蠻以賈

雲南東北施蠻在鐵橋西北男子衣繒布女分髮直額爲一髻

其地亦徙鐵橋在劍閣西北四百里號劍羌磨蠻些蠻居鐵橋

大婆小婆三探覽昆池等川上多牛羊俗不耕澤男女衣皮俗

好飲酒歌舞三蠻皆烏蠻種茫蠻木閣南種茫其君號戎呼茫

詔永昌之南有茫天連茫吐蕃大賧茫昌茫鮮茫施皆其種也

樓居無城郭或漆齒或金齒衣青布短袴露臂以綃布絲股出

其餘垂後爲飾婦人披五色婆羅籠象纓如牛養以耕弄棟蠻

乃自營程居弄棟縣昔爲哀州有首領刺史嚴殺之孽族北

走後散居磨些江側漢裳蠻木漢人部種在鐵橋惟以朝霞蠻

頭餘尚十五年謀擊吐蕃以暹川寧北等城當寇路乃峭山深

壑修戰備帝許出兵助力又請質大臣子弟卑辭固請咸遣就

學時昆明憐州與吐蕃結不先加兵反被所脅爲患請卑早圖

時唐兵比歲備北南方轉饑稽期兵不悉集卑度吐蕃夢不熟

疫癘仍興又贊普死新君立勸以緩舉吐蕃大臣以歲在辰兵

宜出關衆治道將以十月圍雋州軍八萬屯昆明皆資一歲糧  
以舅懷都羅爲都統遣尙乞力欺徐溫鏐屯西貢州事聞臯命  
部將武免赴以弩士三千充榮朝屯萬人黎州韋良金二萬五  
千人屯雋州約有急皆進吐蕃引衆五萬自襲貢州分攻雲南  
雋州異牟尋畏東蠻磨些陰爲鄉導欲先擊之臯報雋州實往  
來道扞蔽數州吐蕃百計窺之故嚴兵以守屯堡相望糧械皆  
足東蠻庸敢懷貳尋乃檄諸蠻約糧城中不者悉燒之會順城  
將楊萬波約降事洩蕃以兵五千守臯將擊破之萬波與籠官  
牧城而來徙于宿州臯將扶忠義又取末恭城俘繫牛羊千計  
蕃將旣煎讓律屯兵距卜貢州一舍國師馬定國率種落出降  
西貢節度監軍野多輸煎煮者贊普乞立贊養子當從先贊殉  
亦詣忠義降于是吐蕃氣衰弱不振欺徐溫鏐至鐵橋水有毒

人多死徙于納川壁而待是年地霜雪早兵無功還期以明年  
又苦唐兵掎角不敢顯圖臯令免按兵雋州吐蕃懲野戰數北  
敗屯三瀘水遣論妄熱誘瀘瀘諸蠻復城悉邨乃吐蕃險要蠻  
潛導南詔與臯部將杜毗羅徂擊十七年春夜絕瀘破吐蕃屯  
斬五百級吐蕃保鹿危山毗羅伏以待又戰奔于時康黑衣大  
食等兵及吐蕃大將皆降獲甲二萬首又合鬼主破吐蕃于瀘  
西其君長共計不得雋州患常未艾會苻儼方輩贊普調欽煩  
數乃大料兵率三戶出一卒戍納川故洪諾濟臘聿資五城欲  
率師出西山劍山收雋州以絕南詔臯言于朝益謹斥候番欽  
京右諸屯田木邠隄焚萊以困其入遣將那毗屯兵萬人于南  
北路趙昱戍萬人黎雅州異牟誨謂臯曰吐蕃聲取雋州實窺  
雲南請武免督軍進苴咩城若吐蕃不出當以來年二月深入

時吐蕃兵二萬攻鹽州帝疑吐蕃多詐詔皋深抄賊鄙以分其  
勢皋表賊精銳多置南屯今向鹽夏非全軍欲掠河曲党項畜  
產耳俄聞吐蕃破麟州皋督諸將出一自西山一由平裔一下  
隴陀和石門一經神川納川與南詔會時回鶻大原邠寧涇原  
軍獵其北劍南東川山南兵震其東鳳翔平當其西蜀南詔深  
入克城七焚堡百五十斬首萬級獲鎧甲十五萬圍昆明維州  
不能克乃班師振武靈武兵破吐蕃二萬涇原鳳翔軍敗吐蕃  
原州惟南詔攻其股心俘獲最多帝遣中人尹偕慰撫吐蕃盛  
屯昆明神川納川自守異牟尋比年獻方物天子禮之元和三  
年死詔太常卿武少義持節弔祭其子尋聞勅立或名夢湊自  
利驃信譯語君也改賜元和印章明年死其子勸龍晟立淫肆不道  
上下怨疾十一年爲弄棟節度王嵯巔所殺乃立其弟勸利詔

少府少監李銑爲冊立弔祭使勸利德嗟嶺賜氏蒙封爲大容

蠻謂兄長慶三年始賜印而死其弟豐祐立爲人趙敢善用其

下慕唐國不肯連父名穆宗遣京兆少尹韋審規持節臨冊還

與洪成將趙龍些楊定奇入謝文宗時西川節度杜元穎治蜀

無狀障候弛沓嗟嶺悉其衆陷印戎傳三州竟入成都止西郭

十日掠子女工技數萬引而南救兵來逐身自燬後至大度河

子女號慟赴水死者十三自是國善文織與大唐畧等明年上

表請罪比歲使者來朝開成會昌間再至大中時經畧李琢苛

畧自私以斗鹽易一牛蠻人不堪結南詔將段酋遷陷安南都

護府號白衣沒命軍南詔發朱弩佞直三千助守然朝貢猶歲

至西川節度杜悰以蠻僣從多表無容納豐祐怒卽慢言索質

子會宣宗崩使者告哀時豐祐亦死而坦綽酋龍立悲朝廷不



平鄆詔書又賜故王者以草只進使而遣遂僭稱皇帝改年建

極自號大禮國

後改大理未詳所始

絕其朝貢命安南都護李鄆屯

武州咸通元年蠻攻走之代以王寬明年攻邕管經畧使李弘

源兵少不能拒奔蠻州南詔亦引去經畧使段文楚數改條約

衆不悅以胡懷玉代之臨邊人困甚剽掠無有故不入寇。僉既

當國謀遣使者弔祭示恩并詔驛信以名嫌冊命未可舉必易

名乃得討方遣左司郎中孟穆持節往諭南詔復陷樹州穆乃

不行琢先奏罷防秋兵六千委安南姚林西原七結洞卑附蠻

由獨可當一隊遏蠻之入至是以女妻由獨子七結洞卑附蠻

王寬不能制三年代以湖南觀察使蔡襲發諸道兵二萬屯守

南詔畏不敢出嶺南經制蔡京忌襲功謀欲阻壞之言南方本

無虞皆因武夫倖功聚兵耗運請還所戍以惜財用襲執不可

願留兵五千累表不報極陳南詔伺隙久有十必死狀朝廷昏肆不省京還復詔爲宣慰安撫使卽建柝廣州爲嶺南東道邕州爲西道隸襲象藤巖四州拜京西道節度使京兆福愆貪克至峻條令爲炮薰剗斬之法軍中愁怨遂走藤州將制作攻討使印召邕兵攻邕州不克衆潰貶死代以桂管觀察使鄭愚南詔攻交州進畧安南襲請救發荆湖桂兵五千屯邕州嶺南韋宙奏南詔必襲邕管不先防近而圖遠恐禍虛深入乃詔襲按軍海門愚分兵禦之襲請濟師益以山南東道兵千人蠻將楊思偕麻光高兵六千薄城而屯四年正月攻益急襲錄異牟尋盟言繫矢上射入其營不答俄而城陷襲聞宗死者七十人幕府樊綽取襲印走渡江荆南兵入東席苦戰斬蠻二千級是夜蠻遂屠城有詔諸軍保嶺南免安南賦入將吏道人多伏溪洞

所在招還掠卹之更以秦州經畧使高駢爲安南都護蠻逼邕  
州復以康承訓代鄭愚發兵萬人從之辭以寡詔大興諸道兵  
五萬以往六月置行交州于海門進爲都護府益調山東兵萬  
人鎮以容管經畧使張茵因命經畧安南茵逗留不敢進韋宙  
請分兵屯容藤披蠻勢五年蠻回掠潯州以播西南西川節度  
蕭鄴率屬蠻見主邀擊大度河敗之明年復來攻會刺史喻士  
珍貪猾陰掠兩林東蠻縛賣其口故開門降蠻盡殺戍卒臣服  
士珍時安南久屯兩河銳士多死瘴癘從宰相楊收議罷北軍  
以江西地近募強弩二萬建鎮南軍節度以便調發夏侯孜亦  
以張茵懦不足事悉以兵授高駢因車選士五千渡江敗林邑  
兵于邕州擊南詔龍州屯蠻長燒貴南走酋龍遣楊緝思助酋  
遷其守安南以范胤些爲都統趙諾眉爲扶邪都統七年六月

駢次交州戰數勝士酣鬪斬其將張詮李差龍舉衆萬人降又  
拔波風三蠻緝思出戰敗還走城士乘之超堞入斬酋遷屍些  
諾眉上首三萬級安南平初酋龍遣清平官董成等十九人詣  
成都請以敵國禮見節度使李福不許導譯五返日肝士倦儀  
不決福怒命武士抨辱之械繫于館俄而代者劉潼表請縱還  
有詔召至京師見于別殿厚賜慰遣明年使楊酋慶等來謝定  
邊軍節度李師望欲激蠻怒徼幸有功殺之以資誘尤杏冒  
不法誅責苛纖酋龍怨殺其使乃入寇以軍級清溪關密引衆  
伐木開道徑雪坡盛夏凍死卒二千人出林源以闔嘉州破屬  
蠻勞遣充海兵五百往戢盡覆酋龍自將督衆五萬侵揚州攻  
清溪關屯將杜再榮絕大庾河走諸屯皆退保北崖蠻攻揚州  
詎服漢衣清江襲破健爲徘徊陵榮間焚廬舍掠糧畜嘉州刺

史楊志夾江而軍士攢射蠻不得進。陰自上游以濟背擊王師。殺忠武將顏慶師。志走嘉州。陷明年正月。攻杜再榮。勞自勒兵戰。蠻遣使十輩請和。滂信之。語未半。蠻桴爭岸謀而進。滂不知所爲。將自殺。武寧將苗全緒止之死。戰却。蠻滂乃遁。全緒殿而行。黎州陷。人走。匿山谷。蠻掠金帛。自卬。陳關負入圍雅州。遂擊卬州。是冬。滂棄州壁。導江儲貲。時械皆亡。酋龍進攻成都。次眉州。坦綽杜元忠日夜教取全蜀。西川節度盧耽遣其副王偃中人張思廣偕往。約和。蠻強使南面拜。卒不見酋龍。而還。蠻次新津。耽復遣副譚奉祀好言。申約。蠻留之。耽畏援軍未集。飛請天子降大使通好。以紓其深入。懿宗馳遣太僕卿支詳爲和。蠻使蠻本無謀。不能乘機會。鼓行亟驅。但怙鹵剽小利。蚍結蠅營。故蜀孺老。得扶携。悉入成都。閭里皆滿。戶所占地。不得過一牀。雨

則冒矢盡自底城中井竭。其飲摩訶池。至爭抃溺死者。或匍沙  
取滴飲之。死不能具棺。卽其坎壑。故廬州刺史楊慶復爲耽治  
攻具間石置牢城兵八將主之。樹柅格夜列炬照城守具。雄新  
又選悍士三千號突將爲長刀巨槌斧分左右番休日隸于軍  
士心侈欲闕而酋龍自雙流徐行欲報董成之辱而給耽請具  
介至軍議事耽遣節副柳槃往見杜元忠議和妄言見帝請具  
車蓋葆嬰榮未能決而還蠻以三千騎負幘幕大言供帳隋蜀  
王廳事爲驃信行在耽不許乃馳去蠻稍前傳外城時游奕使  
王晝督援兵三千屯毗橋滂軍亦自導江來相犄角咸不力戰  
遇小不勝卽保廣漢自以失定邊覲成都得薄其罪會有詔斥  
徙軍遂無功耽部將李白孝陰與賊通爲下所覺殺之以徇二  
月蠻以雲梁鵝車四面來攻耽遣李璿張察率突將戰城下俘

斬二千級蠻徼民郛落爲迷籠如車垂下設枕木推而前匿其  
內以穴墉楊忖以甕貯糞潴浹之蠻不能處注以鐵液遂籠皆  
火自負其衆益治器械斧斤晝夜有聲將擊錦樓衆失色耽遣  
將出三面苦戰蠻引郛支詳遣謀與約好且語耽毋多殺以速  
其和士脫鎧迎之詳陳所齎署二旗曰賜雲南幣物謂蠻使者  
曰天子詔和解而兵薄成都奈何請退舍撤警以修好會遣顏  
慶復爲大度河制置劍南應按使兵次新都博野將曾元裕敗  
蠻兵斬二千級獲馬四百尾曾龍遣曾望至支詳所請和耽遣  
銳將趣蠻壁燒攻具爲所蹶卻而潰時鳳翔山南軍俱至蠻迎  
戰毗橋不勝趨沱江又爲伏士擊敗城中出突將夜火蠻營曾  
龍坦綽身督戰大敗夜燒亭傳乘火所向雨射王師大將宋威  
嚮矢所發叢射之兩軍不能決各解去曾龍知不敵夜徹營南

奔至雙流江無梁計窮將赴水死其下止之曰今北軍與成都  
兵合若來追我無類矣不如僞和以紓急不聽死未晚乃來請  
三日梁成而濟卽斷梁按隊緩驅黎州刺史嚴師本收散卒保  
邛州酋龍懼圍二日去凡俘掠民必割耳鼻已乃縱之故所遇  
刻木爲耳鼻者什八歲福之來衆以其弟慶師死于蠻必甘心  
及成都不破以已功輕乃按軍廣溪縱殘寇人人切齒酋龍年  
少嗜殺親戚異已者皆斬又兵出無寧歲諸國更讎忿衆仍屢  
寇國虛耗悉發男子十五以下從軍以婦人耕餉十四年坦緯  
復寇蜀黎州刺史黃景復擊却之衆循大度河而南夜釋上流  
夾攻瀕水諸屯景復走還穢追躡又爲所敗踵來者什旗息鼓  
陽請欲上書白冤事成兵信之不與戰橋成而濟黎州遂陷進  
攻雅州擊定邊軍卒濟入邛州成都大震人亡入玉壘關士乘



城坦綽遣使者王保成等四十人齎信書請假道入朝。許恐  
蜀主故殿節度使牛勣欲許之。楊慶諫曰：「蠻無信，彼理屈，辭甘  
詐我也。」請斬其使，惟留二人還書，責以王之祖。最爲小國，天子  
錄其勸合六詔爲一名，之以國。俾附成都。許子弟入太學。習業  
王風、雀蛇、犬馬，猶能報德。今自絕王命，乃不如蟲鳥。比因成都  
武備未修，爾得突我疆場。今吾有十萬衆千人爲軍，十軍爲部。  
驍將主之，部有疆弩二百，鉞斧輔之，勁弩二百，越銀刀輔之，長  
戈二百，楸刀輔之，短矛二百，連鎚輔之，四面咸有鐵騎五百，悉  
收薪芻米粟牛馬犬豕，清野待爾。以旁騎畧爾樵采，每日出一  
部與爾戰，日中而代別部。二番月明則戰，黑則休。夜半而代我  
兵五日一殺敵。爾乃晝夜戰不十日且死矣。州縣繕甲厲兵，將  
而相從，皆鬚之深，誓雖女子能謀，斷賊況彊夫烈士哉。爾祖

管臣役西番爲爾仇家今顧臣之何恩誓之冥耶。蜀王故殿先世之寶宮非邊人所當舍坦緯得書至新津而還回寇黔中經畧使秦匡謀懼奔荆南會僖宗立遣金吾將軍韓重持節往使俄攻黎州景復擊走之乾符元年荆畧嵩雅間破黎州入岷峽關掠成都閉門三日始去詔徙高駢領西川節度使奏蠻小醜易制而蜀道險遠請悉罷長武河東發兵彼皆扼制諸蕃不可弛備詔從之至不淹旬聞精騎五千逐至大渡河奪鎰馬執殺渠長五十復岷峽關復取黎州蠻遁還責殺景復以徇列戍望星清溪等關先是蠻俘安南經畧判官杜驥其妻宗室女故酋龍使奉書可和駢答曰我且將百萬衆至龍尾城問爾罪酋龍大震自叛後數遣使至其境不肯拜然其俗尚佛法駢故遣俘屠景仙攝使以往至則與其下迎拜定盟而還遣清平官酋望

趙宗政質子三十入朝請盟乞爲兄弟若甥舅詔拜景仙鴻臚卿檢校左散騎常侍駢結吐蕃尚延心盟末魯釋月等爲間築戎州馬湖木源川大度河三城列屯據險料壯卒爲平拜耳自是氣奪酋龍患發疽死僞諡景莊皇帝其子蒙法嗣改元貞明承志大同自號大封人年少好畋獵服逸衣絳紫錦罽金帶國事頗決大臣乾符四年遣沱西段瑰寶詣邕州節度辛龍簡修好詔使者答報未幾寇西川駢奏請與和親右諫議大夫柳綰吏部侍郎崔潛上言遠蠻叛逆因浮屠誘致譏許和親傳笑後世駢職上將謀乖謬不可從遂寢駢徙荆南持前議不置宰相鄭畋盧攜爭不決皆罷譙遣幕府徐雲虔攝使者往覲到普關府見騎數十曳長戈擁絳服少年朱纒約髮典客加陀長孫慶曰此駢信也問天子起居下馬揖客取使者佩刀視之自解

左右鈕以示。乃除地剝三丈版。命左右馳射。每一人射法驟馬逐以爲樂。數十發止。引客就帳。俛子捧觴。孟四女子侍樂飲。夜乃罷。又遣問客春秋大義。送使者還時。駢徙節鎮海勃濬等阻議。帝衆弱不能曉。下詔慰解。西川節度崔安潛上言。蠻不識禮義。安可以賤隸尚貴主。失國家大體。濬等議可用。臣請募義征子。率十戶一保。願發山東銳兵六千戍諸州。比五年蠻可爲奴。久之。帝手詔來問。安潛答曰。雲南姚州管一縣內國。何資于彼。而遣重使加厚禮。彼且妄謂朝廷畏怯。無能爲脫。有他請。陛下何以待之。且天討近屬不可下。小邦臣比移書黜所僭。不言舅甥。有如使不復至。當遣謀人伺其隙。可以得志。未幾襲陷安南。都護曾袞奔邕。戍兵潰。西川節度陳敬瑄申議和。親時攜復輔政與豆盧瑑皆厚駢。乃譎說帝。自宣宗收三州七關。平江嶺以

南內庫皆積如山戶部延資充滿西川庫錢亦至三百萬緡諸道皆然咸通以來蠻始叛命再入安南邕管一破黔州四盜西川召兵東方天下騷動十有五年賦輸不入京者過半中藏空虛士死瘴癘燎骨傳灰人不念家亡命爲盜可爲痛心陛下初卽位遣韓重往使費鉅不貲蠻不肯迎駢後招盟未繕甲訓兵羣蠻震動遣趙宗政入獻及雲虔往使驃信答拜于禮不少前年留宗政等南方無虞及遣還彼猶冀望比蒙法立三年兵不出蓄力以間我虞今朝廷府庫匱甲兵少牛叢有北兵七萬首尾奔衝不能救况安南客戍單寡涉冬寇禍可虞誠命使者臨報縱未利臣且伐其謀外以糜服羣蠻內得休息全蜀帝以爲然乃許其婚封宗室女爲安化長公主拜嗣曹王龜年宗正少卿爲雲南使副以大理司直徐雲虔并內常侍劉光裕霍承錫

還言驃信誠款遣番相趙隆眉楊奇混段義宗朝行在驛自楊  
州上言三人皆蠻心腹宜止而鵠之蠻可圖也帝從其言自是  
謀臣盡蠶益衰中和元年復遣使來迎獻珍怪毘罽百牀詔以  
方議公主車服爲解後二年又遣布燮楊奇肱來迎詔檢校國  
子祭酒張譙爲會禮使雲虔副之宗正少卿嗣虢王約主婚未  
行而黃巢平帝東還乃歸其使法死僞諡聖明文武皇帝而子  
舜化立建元中興遣使款黎州修好昭宗不答後唐亂不復通  
後唐同光三年魏王繼岌平蜀齎書招諭不納天成元年供奉  
官李彥楷等使雲南回攜州山後兩林百蠻都鬼主右武衛將  
軍李卑晚差大鬼主傳能阿花等來朝貢明宗引見加卑晚官  
寧遠將軍又以大度河南山前印州六姓都鬼王懷安郡主勿  
定標莎爲定遠將軍明年遣金吾衛將軍馬昭遠入蠻爲信國

使不能達而還宋太祖時西川奏據黎州狀申雲南使趙和于大度河南起舍一間留信物十五籠并雜詩一卷遞至闕下因鑒唐之禍基于南詔命棄越嶲諸郡以大度河爲界使欲爲寇則不能爲臣則不得橫山有寨宜管以西虎頭關九十里險甚所在把壘峒丁結聚道路荒僻大理益不通于宋國皇祐中儂智高敗奔其國持之以聞熙寧九年遣使貢方物自後不常來亦不領于鴻臚政和五年廣州觀察使黃璘奏大理國慕義懷來願爲臣妾欲聽其入貢詔置局于賓州凡有奏請皆俟進止六年遣進奉使李紫琮天駟爽彥賁坦緯李伯祥來道出荆湖過鼎州請詣學瞻拜宣聖像許之遂遍謁見諸生又乞觀御書閣閱讀御製舉笏叩首七年至京師貢馬及麝香等制以其王段和譽爲金紫光祿大夫檢校司空雲南節度使上柱國大理

國王自後復不通問一至黎州互市紹興三年廣西奏大理國求入貢及買馬事上不欲以虛名勞民乃曰還方異域何由得實彼之進貢實利買販但令帥臣邊將償其馬直當價後當繼至可增諸將騎兵不爲無益六年廣西經略使奏大理復遣使奉表貢象馬約五月至橫山詔所進方物不受餘驛付行在仍計價優與回賜章表等遞進降勅書回答翰林學士朱震上言乞諭廣西帥臣凡市馬當擇謹厚者任之毋遣好功喜事之人以啓邊釁異時南北路通則漸減廣西市馬之數庶幾消患于未然詔從之乾道癸巳冬忽有大理人李觀音得重六斤黑張般若師等凡二十三人至橫山議市馬出一文書字畫有法大略所須文選五臣註五經廣註春秋後語三史加註都大本草廣註五藏論大般若十六會序及初學記張孟卿韻切韻玉篇



集聖曆百家書之類及浮梁銅器并枕琉璃枕壺紫檀沉香  
甘草石決明并泉石蜜陀僧香蛤海蛤等藥稱利正二年十二  
月其後言古人有云察實者不留聲觀行者不識詞知己之人  
幸逢相謁言音未同情慮相辨吾聞夫子云君子和而不同小  
人同而不和今兩國之人不期而會者豈不習夫子之言哉續  
繼短章伏乞斧伐有言音未會意相和遠隔江山萬里多之語  
其人皆有禮儀擎誦佛書碧紙金銀字相間邕人得其大悲經  
稱爲坦綽趙般若宗祈禳目疾而書邕守稿來者厚以遣歸淳  
熙二年十一月知靜江府張栻申嚴保伍之禁又以邕管戍兵  
不能千人左右江峒丁十餘萬每恃以爲藩蔽其邕州提舉巡  
檢官宜精其選以撫峒丁欲制大理當自邕管始云

冊曰蠻方古有盛衰隨時在唐者四突厥先之內與外張

冠履倒持吐蕃回紇中世所泊遯雄迭長迨宋未歇最後  
南蠻唐所由亡勛以倡亂巢以造殃殷鑒在茲列此爲坊  
小醜寔繁通考已詳

弘簡錄卷二百五十三

明刑部員外郎仁和弘齋邵經邦學

皇清翰林院侍講學士四世孫遠平校閱

附載 高麗

高建武 附蓋藏文 泉男生 王建 昭 伯 治 誦 詢

欽 徽 運 堯 頤 俛 楷 覲 皓 晫 附康 金行成

高麗本曰高句驪乃扶餘別種其始備載文獻通考并隋書隋末其王高元死異母弟建武嗣武德初再遣使入朝時煬帝亂後戰士多陷其地高祖下書修好約其人在我國者護送我國人在彼國者遣還於是悉搜亡命歸且萬人後三年遣使拜上柱國封遼東郡高麗王仍將天尊像命道士賁往為講老子建武大悅率國人共聽之日數千人會帝務在安民不欲尊大自

處嘗謂侍臣名實須相副高麗雖臣於隋而終拒煬帝將待以  
不臣何如裴矩溫彥博諫曰遼東本箕子國漢玄菟郡魏晉時  
近在封內不可許以不臣且內國與高麗猶太陽於列星不可  
以降乃止九年新羅百濟上書訟建武閉道使不得朝且數被  
侵掠詔散騎侍郎朱子奢持節諭和建武奉表謝罪與二國平  
太宗已禽突厥頡利遣使者入賀并上封域圖帝詔廣州司馬  
長孫師臨涇隋戰士皆毀其所立京觀建武懼築長城千里東  
北首扶餘西南屬之海貞觀十四年遣太子桓權入朝獻方物  
帝厚賚使陳大德持節答勞且觀獮所至士女夾道觀我國流  
客者爲道親戚存亡人人垂涕建武盛陳兵見使者其大對盧  
官各三至館加禮還奏帝悅大德初入其國厚餉官吏悉得其  
織曲聞高昌已滅帝言高麗地止四郡我發卒數萬以舟師自

取萊颯海趨平壤固易但天下甫平不欲勞人耳適有蓋嶺文  
本號蓋金姓泉氏姿貌魁秀美須髯自云生水中以戢泉往忍  
婦父爲大對盛死當嗣國人惡之不得立頓首謝泉哀令攝職  
旣得政發凶不道身佩五刀冠服皆飾以金左右莫敢仰視使  
貴人伏地踐以升馬出入陳兵禁切行人畏竄至投坑谷建武  
與諸大臣議誅之爲所覺悉召諸部給云大闕列候具請大臣  
臨視預伏兵盡殺之復馳入宮殺建武殘其尸投諸溝乃更立  
弟之子藏爲王自爲莫離支專國晉唐兵部尚書中書令之職帝聞惻然遣  
使者持節弔祭羣臣勸帝可遂討之帝不欲因喪伐罪命藏襲  
故王號房玄齡長孫無忌皆勸帝隱其患撫其存彼當聽命帝  
曰善會新羅又遣使來歸命言高麗與百濟聯和將見討帝問  
若何而免使者曰計窮矣惟陛下哀憐帝言三策其一我以偏

師率將丹韃入遼東而國可紓一歲二以絳袍丹幟數千賜而國至建以陣二國見者謂師至必走三百濟恃海不脩戎械襲以舟師數萬而國待安則自守之三策孰取使者不能對乃下璽書遣司農丞相里元獎讓高麗使止勿攻未至而蓋藕文已取新羅二城對元獎曰往附見侵彼國乘機奪我地五百里今非盡反兵將不止元獎曰往事烏足論遼東故上國郡縣天子且不取汝安得違詔不從還奏帝曰莫離支弑君虐民怨痛溢道我出師有名褚遂良諫陛下兵度遼而克固善萬一不逞且再用師安危不可億度李勣曰不然曩薛延陀盜邊陛下欲追擊魏徵苦諫而止後復畔擾至今爲恨帝曰誠然會新羅又數請援乃下吳船四百柁輸糧詔營州都督張儉等發幽營兵及契丹奚靺鞨等出討莫離支懼遣使者獻金帝不納又遣官

五十入宿衛帝怒責曰而等委質高武不伏節死義反爲逆子謀罪不可赦悉下之獄乃欲自將討之羣臣皆勸帝勿行帝曰吾知之矣去本而就末捨高以取下釋近而之遠三者爲不祥然高麗之人延頸待救議者顧未亮耳亟命北輪粟營州東儲粟古大人城召長安父老厚賜布粟約子若孫從行者加以捐循毋庸卹駕幸洛陽拜張亮平壤道行軍大總管常何左難當副之冉仁德劉英行張文幹龐孝泰程名振爲總管帥所募江吳京洛兵四萬吳艘五百泛海趨平壤李勣爲遼東道行軍大總管江夏王道宗副之張士貴張儉執失思力契苾何力阿史那彌射姜德本麴智盛吳黑闥爲行軍總管諫之帥騎士六萬趨遼東詔所過營頓毋飭食毋豐怪木可涉者勿作橋梁行在非近州縣不得令學生耆老迎謁朕昔提戈撥亂無盈月儲猶

所嚮風靡。今幸家給人足。祇恐勞於轉餉。故驅牛羊以食軍。且朕必勝有五。以我大擊彼小。以我順討彼逆。以我安乘彼亂。以我逸敵彼勞。以我悅當彼怨。果憂不克耶。又發犂丹奚新羅百濟諸君長兵。悉會十九年二月。駕起次定州。語左右曰。今天下大定。後嗣因士馬盛彊。謀臣必導以征伐。朕故自取之不遺。後世憂也。帝身屬藥房。結兩籠於鞍坐於城門。過兵人人撫慰。視疾病者。勅州縣治療。衆咸感悅。無忌奏。天下符魚悉從而宮官止十人。聞者謂輕神器。帝止勿言曰。士十萬度遼皆去家室。朕以十人從。尚嫌其多。四月。勦濟遼水高麗皆嬰城守。帝大饗士帳幽州之南。詔無忌督師。乃引而東。勦攻拔蓋牟城。得戶二萬糧十萬石。卽其地建蓋州。程名振攻沙卑城。西城夜潰。獲八千口。游兵鵬淦上勦。遂圍遼東城。帝次遼澤。高麗發別都騎四萬。



來救道宗率張君乂逆戰而却卽誅以徇馳騎逼高麗兵皆辟  
易奪其梁收散卒乘高以望見高麗陣驚急擊破之斬首千餘  
級帝度遼水徹杠徇堅士心營馬首山身到城下見士填塹分  
負重者馬上持之羣臣震懼爭挾塊以進城有朱蒙祠方圯急  
巫飾美女以婦於神傳言朱蒙悅城必完勅列拋車飛大石過  
三百步所當輒潰高麗積木爲樓結絙罔不能拒以衝車撞碎  
之時百濟上金柴鎧士被以從甲光炫目乘南風縱火延城中  
屋幾盡人死于燎者萬餘衆蒙盾登陴以拒舉長矛舂之礮石  
如雨城遂潰獲勝兵萬戶四萬糧五十萬石卽其地建遼州行  
在所止至太子所舍置一烽約下遼東舉烽是日傳燎入塞進  
攻白崖城城負山崖水險甚帝壁西北高麗將孫伐音丐降恐  
城中心不一賜以幟若降則建爲信俄而舉幟勸奏帝士食俘

獲奮而先。今城危已拔。若許其降。恐孤士心。帝是其言。但縱兵殺戮。略人妻孥。朕所不忍。麾下有功者。朕能償以庫物。庶可贖一城生命。凡獲男女萬兵二千。卽其地建巖州。以伐音爲刺史。進次安市。高麗北部倭薩高延壽。南部倭薩高惠真。引兵及靺鞨衆十五萬來投。帝默計。彼若勒兵連安市而壁據高山取城中粟以食。縱靺鞨略吾牛馬攻之。不可下。此上策也。拔城夜去。中策也。與吾爭鋒則禽矣。有大對盧獻計。延壽襲內國亂。蔡王神武親手定之。今掃地而來。謀臣重將皆在其鋒。不可校。莫若頓兵曠日。陰遣奇兵絕其饗道。不旬月糧盡。欲戰不得。欲歸無路。乃可取也。延壽不從。引軍距安市四十里。而屯。帝聞喜曰。賊墮吾策中矣。命阿史那社爾嘗以突厥千騎使勸率步騎萬五千陣西嶺。無忌精兵萬人出高麗背。帝引騎四千餽饗趨北山。

令聞鼓聲縱擊仍張帷朝堂約翌日降高麗於此是夜流星墮  
延壽營旦日高麗視勦軍少卽戰帝望無忌軍塵起命鼓角張  
幟伏兵四合高麗惶惑將分兵禦聞衆已搃勦以步槊擊敗之  
無忌乘其後帝自山馳下高麗大亂斬首二萬級延壽收餘衆  
負山自固無忌勦合聞之徹川梁斷歸路帝喜曰彼傾國而來  
一麾破之天贊我也下馬拜謝延壽等度勢窮卽舉衆降入轅  
門滕行丐命帝問後敢與天子戰乎惶汗不能對悉官其首二  
千五百人許以內徙縱還餘衆三萬誅鞞鞬三千餘人獲馬牛  
十萬明光鎧萬領高麗震駭后黃銀二城咸自拔去數百里無  
舍烟命驛報太子并賜諸臣書曰朕自將若此云何因圖破陣  
狀勒石紀功拜延壽鴻臚卿惠真司農卿候騎獲覩人解其縛  
遣歸語莫離支若須軍中進退可遣人至吾所時每營不作壘

壘惟謹斥候士運糧雖單騎不敢鈔將議所攻帝曰吾聞安市地險而衆悍莫離支擊不能下因與之建安恃險絕粟多而士少若出其不意攻之必不相救建安得則安市在吾腹中勦曰不然積糧遼東而西擊建安賊將梗我歸路不如先攻安市帝許之攻未能下延壽惠其謀曰烏骨城傳薩已耄朝攻而夕可下此城拔則平壤可舉羣臣亦以張亮軍在沙城朝召夕至令取烏骨度鴨渌迫其腹心計之善者無忌謂天子行師不微幸安市衆十萬在吾後不如先破之乃驅而南城中見帝旌麾輒乘陴譟帝怒勅請破日男子盡誅高麗聞故死戰道宗築距闕攻東南高麗增陴以守勦攻其西撞車所壞隨輒串柵爲樓時以圍久突無費烟帝聞城中鷄羃鳴必殺以饗士高麗且夜出詔嚴兵丙夜果絕數百人悉禽之道宗以樹枚裹土積之迫城

不數丈守以果毅都尉傅伏愛城且顏伏愛私去所部高麗兵  
得自顏城出據而塹斷之積火縈盾固守帝怒斬伏愛敕諸將  
擊之三口不克有詔班師拔遼蓋二州之人以歸兵過城下城  
中屏息偃旗渠長登城再拜帝嘉其守賜絹百疋遼州粟尚十  
萬斛取不能盡駕至渤錯木沮淖八十里不通無忌楊師道等  
率萬人斫樵築道聯車爲梁帝負薪馬上助役十月兵平度雪  
甚詔屬燎以待濟始行逮還士十萬物故裁千餘馬萬匹死十  
之八舟師七萬故亦數百詔集戰骸塋柳城祭以大牢帝臨哭  
從臣皆流涕帝總飛騎入臨渝關皇太子迎道左初別時帝御  
褐袍與太子約俟見爾乃更歷二時弗易羣臣請更却曰士皆  
敝衣吾可新服耶及是太子進潔衣乃御遼降口萬四千當沒  
爲奴婢憫其父子夫婦離析詔有司屬以布帛原爲民列拜謹

舞三日不息延壽以憂死獨惠真至長安明年春藏遣使者上方物且謝罪獻二殊口勅還之下詔削蘓文官爵朝貢又明年三月詔左武衛大將軍牛進達爲青丘道行軍大總管右武衛將軍孫貳朗右屯衛大將軍鄭仁泰副之幸營州都督兵由新城道以進次南蘓木底城高麗兵戰不勝焚其郭七月進達等取石城進攻積利城斬級數千皆還藏遣子高任武來朝因謝罪二十二年詔右武衛大將軍薛萬徹代爲大總管副以右衛將軍裴行方自海道入部將古神威與戰曷山而潰高麗乘暝襲我舟伏兵破之萬徹度鴨渚次泊灼城拒四十里而舍高麗懼皆棄邑居去大將所夫孫拒賊萬徹擊斬之遂圍城破其援兵三萬乃還帝與無忌計高麗困吾師戶口亡耗四歲不收蓋蘓文築城增陴下饑臥死不勝敝矣明年以公爲大總管將三

十萬衆一舉可滅也乃詔劍南治嚴巴蜀大騷瑯衍雅三州從  
皆反發隴西峽內兵擊定之詔陝州刺史孫伏伽萊州刺史李  
道裕儲糧械於三山浦烏胡島越州都督治大艤舫以待會帝  
崩皆匿藏遣使者奉慰永徽五年載以靺鞨兵攻契丹戰新城  
大風矢皆還激爲所乘大敗契丹使露布聞于朝六年新羅叛  
高麗靺鞨奪三十六城高宗命營州都督程名振中郎將蘇定  
方討之至新城敗其兵火外郭及墟落引還顯慶三年復遣名  
振率薛仁貴攻之未能克後二年已平百濟乃以大將軍左驍  
衛契苾何力右武衛蘇定方將軍左驍衛劉伯英率諸將出沮  
江遼東平壤三道討之龍朔元年大募兵上欲自將薊州刺史  
李君球上言高麗小醜何至傾上國事之有如高麗旣滅必發  
兵以守少發則威不振多發人又不安使天下疲於轉戍臣謂

征之未如勿征滅之未如勿滅會武后苦邀乃止八月定方破  
高麗兵於浪江奪馬邑山遂圍平壤明年麗孝恭以嶺南兵壁  
蛇水蓋蕝文攻之舉軍沒定方解而歸乾封元年賊遣子男福  
從封泰山還而蕝文死子男生代爲莫離支與弟男建男產相  
怨男生據國內城遣子獻誠入朝求救蕝文弟淨土亦請割地  
降乃詔何力爲遼東道安撫大使左金吾將軍龐同善營州都  
督高侃爲行軍總管左武衛將軍薛仁貴左監門將軍李謹行  
殿而行九月同善破高麗兵男生率師來會詔拜同善特進大  
都督兼平壤道安撫大使封玄菟郡公勣又爲行軍大總管獨  
孤卿雲鴨渌道郭待封積利道劉仁願畢列道金待問海谷道  
並爲行軍總管受勣節度轉燕趙食脣之明年正月勣次新城  
合諸將謀曰新城當賊西鄙不先圖餘城未易下遂壁西南山



城中縛戍將出降命保守之凡拔十有六城三年二月進拔扶  
餘城他城三十皆納款男建遣兵襲新城仁貴救備戰金山不  
勝高麗鼓而進仁貴橫擊大破之斬首五萬級男生舉南蕪木  
底蒼苔等城以降會侍御史賈言忠計事還帝問軍中云何對  
曰必克先帝所以不得志者高麗未有數也諺云軍無媒中道  
回今男生兄弟因將爲我鄉導彼之情僞我盡知之且彼中秘  
記曰不及九百年當有八十大將滅之高氏自漢有國今九百  
年勦年八十矣歲仍荐饑人相掠賣地震裂狼狐入城蚡穴於  
門人心危駭是行不再舉矣男建復襲扶餘破之進拔大  
行城仁願後期召還當誅赦流姚州何力會勦軍于鴨渚拔孰  
弊城悉師圍平壤九月藏遣男產率首領百人樹素幡降且請  
入朝勦以禮見而男建猶固守大將浮屠信誠約內應男生引

銳兵潛入火其門。鬱燄四興。男建寤急自刺。不殊。與藏皆被執。凡收五部百七十六城。戶六十九萬。詔劾便道獻俘昭陵。凱而還。十二月。帝坐含元殿。受俘赦。藏爲司平太常伯。男產司宰少卿。男生右衛大將軍。封卞國公。獻城司衛卿。信誠銀青光祿大夫。投男建黔州百濟王。扶餘隆嶺外勛等受辱。各有差別。其地爲都督府者九州四十二縣百。擢渠豪有功者。授都督刺史。令與漢官參治。復置安東都護府。以仁貴爲都護。總兵鎮之。是歲。祭謝成于天。總章二年。山南大長鉗牟岑復立。藏外孫安舜爲王。詔高保東州道李謹行。燕山道並爲行軍總管。討之。遣司平太常伯楊昉。綏納亡餘。舜殺牟岑。走新羅。保徙都護府治遼東州。破叛兵於安市。又敗之。泉山俘新羅援兵二千。謹行破之于發盧河。俘馘萬計。於是平壤疲殘。不能軍。相率奔新羅。遣人

散奔突厥。鞬凡四年乃止。儀鳳二年，授藏遼東都督，封朝鮮郡王。以安餘民，先編僑內州者，皆原遣徙都護府。新城、肅、興、鞬、靺，復謀未及發，召還放。邛州於永淳初死，贈衛尉卿。塋頡利墓左。高氏君長，遂絕。垂拱中，孫寶元復封朝鮮郡王。聖曆初，進左鷹揚衛大將軍，更封忠誠國王。使統安東舊部，不行。明年，以藏子德武爲安東都督。後稍自固，至元和末，遣使者獻樂工云：男生字元德，爲人純厚，有禮姿，對敏辯，善射藝，人以此稱。後詔安撫遼東，招流徙，平賦歛，罷力役，民悅。其寬卒年四十六，贈并州大都督。諡曰襄獻，誠天授中爲右衛大將軍。來俊臣誣死後，自其寬贈右羽林衛大將軍，以禮改葬。

唐末中原多事，高麗大族王氏承高氏之位。後唐同光元年，遣使質評侍郎韓中一，副使春部少卿朴巖來，長興三年，權知國

事王建遣使朝貢明宗拜爲玄菟州都督充大義軍使封高麗國王時遼方建國神策間遣使進寶劍天贊三年升天顯二年來朝貢會同二年受晉冊上尊號遣使往報晉天福中亦來朝貢開運二年卒子武襲位漢乾祐末卒其子昭權知國事周廣順元年遣使朝貢授特進檢校太保持節都督王封如故顯德二年又遣使來貢加開府儀同三司檢校太尉至太師世宗遣水部員外郎韓彥卿賫帛數千匹市銅以鑄錢六年昭遣使貢黃銅五萬斤又進別序孝經一卷叙孔子生及弟子事越王新義八卷以越王爲問目若今正義皇靈孝經一卷越延年辟穀孝經雌圖一卷載日食天變皆不經之說建隆三年十月昭遣廣訐侍郎李興祐副使李勵希判官李彬等來朝貢四年春降制加食邑七千戶賜推誠順化保義功臣九月遣時贊等來貢

開寶五年來獻方物加賜推誠順化守節保義功臣進奉使內  
議侍郎徐熙加兵部尚書副使內奉卿崔鄴加司農卿並兼御  
史大夫判官廣評侍郎康禮試少府少監錄事廣評員外郎劉  
隱加金部郎中皆厚禮遣之始遣國人康戡肄業國學昭卒昭  
子仙權領國事九年遣使趙遵禮奉土貢兼聽朝旨授檢校太  
保餘如故太宗卽位加太傅改太衆軍爲大順軍遣使其國所  
遣國人金行成就學於國子監太平興國二年遂登進士仙遣  
子元輔貢良馬方物兵器并賀卽位三年又遣使貢方物兵器  
加仙檢校太師遣使至其國五年六月再遣使貢方物七年仙  
卒以其弟治知國事遣使金全貢金銀線屬錦袍褥金銀飾刀  
劍弓矢名馬香藥求襲位授治檢校太保餘如故遼聖宗統和  
元年將親征高麗三年八月以遼澤沮洳罷師雍熙元年遣使

韓遂齡來貢方物契丹先伐女真路由高麗界上女真意彼誘導構禍因貢馬來告急訴言高麗與契丹結好倚爲聲援剽掠其民不復放還太宗因出所上木并以示遂齡歸白本國還其所俘之民治開之憂懼二年加治太傅遣使其國三年宋師伐契丹以高麗境相連遣監察御史韓國華賁詔諭之至卽令人言本地雖與女真隣國而路途遐遠彼之情僞已素知之貪而多詐未可信也其後又遣人來告契丹兵已濟梅河本國猶疑不實未暇營救俄而契丹雲集大舉女真殺獲甚衆餘族逃散契丹追捕及于本國西北境上俘擒而去雖聞師退猶憂不測女真勸本國控梅河津築治城壘以防遏之方令行視典功不意女真潛師奄至殺畧吏民驅掠丁壯沒爲奴隸轉徙他方以其歲貢中冊不敢發兵報怨豈期反相誣構以惑聖聽本國世

稟正朔。踐修職貢。敢有二心。交通外國。況契丹介居遼海之外。  
復有大梅小梅二河之阻。從河徑路以過往復。橫羅謗。憤氣  
填膺。日月至明。諒垂昭鑒。間者女真逃難之衆。罔不存恤。亦有  
授以官秩。其職位高者十數人。尚在本國。欲望召赴京闕。與本  
國貢使庭辯其事。則丹石之誠。庶幾昭雪。國華諾之命。發兵四  
會。治尚遷延。屢經催督。得報發兵而還。具錄女真之事。以奏十  
月。遣使朝貢。又遣本國學生崔罕王彬詣國子監肄業。亦登進  
士及第。授將仕郎。守秘書監秘書郎。遣還本國。端拱元年。加治  
檢校太尉。二年。遣正使選官侍郎韓問卿副使兵官郎中魏德  
柔來貢。並授金紫。光祿大夫判官少府丞李光水部員外郎賜  
僧如可紫衣。所請大藏經亦與之。淳化元年三月。加治食邑千  
戶。遣戶部郎中柴成務兵部員外郎趙化成往使。二年。治遣韓

彥恭來貢表求印佛經賜以御製秘藏銓遣還詠蓮華心輪四  
年正月復遣進奉使自思柔孔目吏張仁銓貢方物并謝賜經  
二月遣直史館陳靖秘書丞劉式爲使加治檢校太師仍降詔  
存問軍吏耆老使回上表謝先是仁銓上書獻便宜思柔意其  
持國陰事以告仁銓懼不敢歸至是詔還其國仍令釋罪治又  
上表謝願賜救本九經用敦儒教許之仍賜衣段二百疋銀器  
二百兩羊五十口五年六月契丹寇境遣使元郁來乞師朝廷  
以北部再寧不可輕動干戈爲國生事但賜詔慰撫厚禮其使  
遣還以後聖宗統和十年命東京留守蕭恒德伐高麗襲破其  
境置興鐵通龍龜郭等六州十一年遣朴良柔奉表請罪臣服  
于遼遼取鴨綠江東數百里地賜之自此連貢并上地圖問起  
啓進鷹鶻者無虛時十四年表乞爲婚娶以恒德越國公主女



絕宋朝貢治卒告哀契丹遣使祭弔命姪記權知國事至明年  
冊弟誦爲王誦立嘗遣兵校徐遠侯宋德音以路遠久不至咸  
平三年其臣吏部侍郎趙之遠命牙將朱仁紹至登州以聞上  
特召見因陳國人思慕王化爲契丹羈制之狀乃賜誦詔一函  
六年遣戶部郎中李宜古來朝謝恩且言晉割燕薊以屬契丹  
遂有路趣玄菟屢來攻伐求取不已乞王師屯境上以牽制之  
詔書優答大中祥符三年五月爲西京留守康肇所弑而立其  
從兄詢權知國事契丹來伐擒肇等詢上表請朝契丹許之稱  
臣如舊詔詢親朝稱病不赴契丹以爲貳已復遣使求六城不  
許舉兵焚開京詢徙居昇羅州以避之亦調兵守六城契丹使  
都統蕭排押副統蕭虛烈都監耶律八哥復伐高麗詢與女真  
貢方物遼乃釋詢罪七年方遣告奏使御事工部侍郎尹證古

以金線織成龍鳳鞍并綉龍鳳鞍幘各二幅細馬二疋散馬二十疋來貢宋賜詢詔書七通并衣帶銀絲鞍勒馬八年又遣御事民官侍郎郭元來貢詔登州於海次置館以待使者元辭貌恭格粗有文采每受宴賜必白爲謝表朝廷待之亦厚九年辭還賜前襲衣金帶器幣鞍馬及經史曆日聖惠方等元又請錄國朝登科記及所賜御詩從之天禧元年遣御事刑官侍郎徐訥奉表獻方物兼賀封仁宗壽春郡王三年九月進奉使禮賓卿崔元信入見貢厨錦衣褥烏漆甲金飾長刀七首厨錦鞍馬紵布藥物等又進中布二千端求佛經一藏詔賜經還布五年詢遣告奏使御事禮部侍郎韓祚等一百七十九人謝恩且言與契丹修好及乞陰陽地理等書並賜之乾興元年辭歸賜詢如故事真宗晏駕賫賜遺物天聖八年詢復遣御事民官侍郎

元頴等二百九十三人奉表入見於長春殿貢金器銀鬃刀劍鞍勒馬香汕人參細布銅器榴黃青鼠皮等物明年二月辭歸賜予有差遼太平二年詢卒又遣使冊子欽爲王九年賜欽禮物十一年聖宗崩慰奠并會塋如儀興宗重熙以來朝貢者十二及賀正徽就十五年八月欽卒欽子徽立其時不通于宋者四十三年受契丹封冊奉正朔上朝廷及他文書有稱甲子者歲貢契丹至於六尚誅求不已常云高麗乃我奴耳南朝何以厚待之使至其國尤倨暴館伴及公卿小失意輒行箠撻聞宋使至必假他事來覘分取賜物嘗詰其修貢於宋高麗表謝其略曰宋國三甲子方得一朝大邦一周天每修六貢契丹悟乃得免熙寧二年其國禮賓省移牒福建轉運使羅拯云本朝商人黃真洪萬來稱運使奉密旨令招接通好奉國王旨意大略

以平壤邇于大遼附之則爲睦隣疎之則爲勁敵謹當遵尋故  
道遄赴棗街今以公文附真萬西還俟得報音卽備禮朝貢徽  
又自言嘗夢至中原作詩紀其事朝議亦謂可結之以謀契丹  
神宗許焉命拯諭意遂遣民官侍郎金悌等百十人來詔待之  
如夏國使又以往時國人往反皆自登州今欲遠弃丹乞改塗  
由明州從之郡縣供頓無舊準特詔立式頒下費悉官給及所  
至禁止交關微問遺二府甚厚以付市易售繖帛笥之又求醫  
藥畫塑之工以教國人卽詔拯募願行者九年復遣崔思訓來  
命中貴人做都亭西驛例治館待之其使來者益多帝以其國  
尚文每賜書詔必選詞臣著撰而擇其善者遣使必擇問學博  
洽器宇整秀者召赴中書試文乃遣元豐元年假安燕陳睦左  
諫議大夫起居舍人往聘造兩艦於明州一日凌晨安濟致遠

次曰靈飛順濟皆名爲神舟自定海絕洋而東既至國人歡呼  
出迎徽具袍笏玉帶拜受詔加禮使者館之別宮標曰順天館  
言尊順上國如天時徽已病僅能拜命還乞醫藥二年遣王彝  
封挾醫診視徽復使柳洪來謝尋獻日本所造車曰諸侯不貢  
車服故不敢與土貢同又獻伶官十餘輩曰土樂無足觀祇欲  
潤色國史爾時遼興宗并太皇后崩道宗清寧以來遣使弔祭  
會葬報哀遺留并朝貢十有二太康九年徽卒謚爲文王在位  
三十八年治尚仁恕爲東裔良主然猶循其俗王女不下嫁臣  
庶必歸之兄弟宗族貴臣亦然次子迺諫以爲旣通上國宜以  
禮革故習徽怒斥之于外計聞遣祭奠弔慰長子三韓公勲權  
知國事百日亦卒謚爲順王時遼大安元年冊勲子運爲王仁  
賢好文內行飭備每買客市書至則潔服焚香對之遣使謝遼

封冊朝貢不絕復遣其弟僧統朝宋求問佛法并獻經像神宗崩哲宗立遣使奉慰致賀請市刑法之書太平御覽開寶通禮文苑英華詔惟賜文苑英華一書以名馬錦綺金帛報謝立四年卒諡爲宣王運子堯嗣以病不能爲國請其叔父錫林公熙權知國事遼封爲三韓國公堯卒諡爲懷王而熙乃立以避遼諱改名顥性貪吝好奪商賈利富室犯法輒久縻責贖雖微罪亦輸銀數斤時道宗崩天祚卽位遣使慰奠并賀元祐四年其王子義天使僧壽介至杭州祭亡僧言國毋使持二金塔爲兩宮壽知州蘓軾奏却之五年復通使賜銀器五千兩七年遣黃宗慤來獻黃帝鍼經請市書甚衆軾已轉禮部尚書言高麗入貢無絲髮利而有五害今請諸書與收買金箔皆宜勿許詔許買金箔然卒市冊府元龜以歸元符中遣使賀徽宗立來弔

賀隨往報聘。願卒。願子侯嗣。貢使接踵令士于金瑞等五人入太學。朝廷爲置博士。政和中。升其使爲國信使。在夏國上改引伴押伴官爲接送。許伴賜以大成燕樂邊豆俎簋等器。至宴使者于睿謨殿。時金兵起。天祚乞兵高麗以禦金人。貴之。宣和四年。侯卒。侯諸弟爭立其相李資深立侯子楷來告哀。遣使奠慰。楷因侯病。嘗求醫宋。遣二醫往。留二年而歸。語之曰。聞朝廷用兵伐遼。遼兄弟之國存之則爲鄰。打女真吾敵也。不可交。願二醫歸報天子。宜早爲備。至已無補。及遼滅。本國以事避舊禮。稱臣于金。天輔二年。詔諭高麗國王遣李董。董亦賜馬一疋。三年。表賀并貢方物。南渡初。賀使至明州。御史胡舜陟言。高麗靡敝國家五十年。政和以來。人使歲至。淮浙之間。苦之。及朝廷館遇燕資。賜予之費。以億萬計。矧四明距行都。限一浙。亦宜留。

館于彼納其貢幣至明年歸國高宗慮其交通金人窺我盛實命迪功郎胡蠡少卿段宗正使高麗以間之建炎二年浙東路馬步軍都總管楊應誠上言由高麗至女真路甚徑請身使三韓結鷄林以圖迎二聖乃假應誠刑部尚書充高麗國信使浙東帥臣翟汝文奏其欺罔祇爲身謀設若高麗辭以金人亦請問津以窺吳越其將何辭以對應誠已得命卽與副使韓衍譽狀官孟健由杭州浮海抵其國諭意王楷有難色曰大朝自有山東路豈不由登州往對曰以貴國路徑耳已而命其門下侍郎傅佺至館言果一如汝文應誠曰女真不善水戰佺曰彼舊臣本國常於海進全來矧今強弱不敢又可止耶居數月復遣中書侍郎崔洪宰知樞密院金富軾持前議不變謂二聖今在燕雲大朝百計未必可得惟有練兵與戰終不奉詔還言其狀



上謂楷負國恩怒甚右丞朱勝非曰彼鄰金人與內地隔海利害甚明曩時待之過厚今安能責其報也黃潛善尚欲以巨艦載精兵數萬徑擣其國勝非止之曰越海興師燕山之事可爲近鑒上怒稍解楷遣其臣尹彥順奉表謝罪詔以二聖未歸不宜燕樂祇設幕殿門外命客省官吳得興伴賜酒食中書舍人張徽押伴如禮遣還三年八月上語輔臣聞上皇遣內臣宮女各二人隨高麗貢使來朕聞之悲喜交集呂頤浩曰此必金人之意不然高麗必不敢安知非窺我虛實以報於是詔止之紹興二年閏四月楷遣禮部員外郎崔惟清閤門祇候沈起貢金銀綾羅人參上御後殿引見賜使臣金帶答以溫詔遣還時四明殘破民亡入高麗禮部侍郎柳約恐起貳心奏屯重兵以備之高麗綱首卓榮等言定海縣亡民八十餘願奉表還國詔候

到日量與推恩十二月間高麗遣知樞密院事洪彛叙等六十  
五人來貢議館於臨安府學言者謂時雖有變不可無學遂改  
洪惠寺爲同文館以待之然卒不至六年高麗持牒官金雅圭  
至明州朝廷懼其爲間亟賜銀帛遣還孝宗卽位守臣韓仲通  
奏綱首徐德榮詣明州言本國欲遣賀使侍御史吳芾言方今  
兩國交兵德榮之請得無可疑使其果來猶恐不測萬一不至  
貽笑遠近詔止之隆興以後使命遂絕金皇統二年加楷開府  
儀同三司上柱國六年卒子覲嗣位大定十年弟翼陽公皓廢  
覲自立金移文詳問報告前王久病昏耄不治讓國于皓金遣  
吏部侍郎靖至本國宣問覲已避位出居他所竟不得見而還  
皓遣禮部侍郎張翼明來請封十二年遂賜封冊十五年高麗  
西京留守趙位寵叛遣人上表稱前王本非讓位實大將軍鄭

冲夫郎將李義方欲之願奉慈悲嶺以西至鴨綠江四十餘城  
內屬請兵助授世宗却之未幾王昭定其亂遣使奏謝承安三  
年昭表自陳衰老以國讓其弟昭是歲昭卒昭嗣立泰和四年  
卒子猷嗣立至寧元年八月卒嗣子未及請封會宣宗遷汴遼  
東道路不通貞祐以後僅一再見而已康哉字休祐信州永

寧人父允三世爲兵部侍郎猷少好學登宋進士授大理評事

知湘鄉縣遷著作佐郎知江陰軍江州歷官以清白幹力聞改

太常博士蘓易簡稱其吏才命爲廣南西路轉運副使賜緋魚

再轉度支員外郎戶部判官出知峽越二州連被詔褒其能政

進西京轉運使工部郎中賜金紫所至好行事上章建白以竭

誠自任卒其宗補其子希齡太常寺奉禮郎給俸終喪金行

或累官至殿中丞自以筮仕朝廷不願歸本國其父母並老尚

在海外恨祿不及旦暮思念令王圖其像置正寢已與妻史民居旁室晨夕定省上食未嘗少懈淳化初通判安州被病泣言於知州李範以未報主恩爲恨二子宗敏宗訥皆幼家素貧無他親可依範表其事未幾行成死其妻誓不嫁繼屢以給詔補宗敏太廟齋郎令安州月給錢米長吏歲時存問 王氏爲國非昔日高氏之舊世居開州蜀莫郡曰開成府依大山置官室立城堡名其山曰神嵩以新羅爲東州樂浪府號東京百濟爲金州金馬郡號南京平壤爲鎮州號西京西京最盛總之凡三京四府八牧郡百有十八縣鎮三百九十洲島三千七百郡邑小者或只百家男女二百十萬口兵民僧各居其一氣候少寒多暑山宜松栢少絲蠶多衣麻紵無羊兎藥駝水牛并鹽土宜杭黍麻麥而無沐以菰爲酒地產龍鬚并藤席白殭紙鼠狼尾

筆王出紫衣前導。挾護國仁王經以行。臣民呼曰聖上。私稱曰嚴公。后妃曰宮主。百官名稱頗與中朝相類。柳崔金李四姓爲貴。無宦者。以世族子爲內侍。六衛歲十二月朔。王坐紫門小殿。注官外官。則付國相。有國子監四門學學者。多尚聲律。少通經。間歲貢士三等。王城曰土貢。郡邑曰鄉貢。他國曰賓貢。分進士算學諸科。中僅三四十人。王親試以詩賦論三題。謂之簾前重試。登第不過一二十。亦有閩人因賈舶至者。密試其所能。誘以祿仕。強留終身。朝廷使至。有陳牒來訴者。則取以歸國。無私田民計口受業。祿俸皆給田。死乃拘之。王亦有分地。以供私用。王母妃主世子皆受湯沐。兵器疎簡。無強弩大刀。民十六以上隸軍籍。不黥面。選戍西北半歲而更。有警則執兵。有事則服勞。事已復歸農。上下以賈販利入爲事。貿易用米布。地產銅器皿悉

用然不知鑄錢崇寧後始學鼓鑄有海東通寶重寶三韓通寶  
三種錢慶元間詔禁絕之商人不許持錢入高麗素尚釋教雖  
王子弟常以一人爲僧信鬼拘陰陽病不相視歛不撫棺歲以  
建子月祭天國東有大穴號神隧常以十月望日迎祭謂之入  
關齋禮儀甚盛王與妃嬪登樓張樂宴飲賈人曳羅爲幕三歲  
大祭祠遍其封內祖廟在國門之外每歲正月一日五月五日  
親祭又正月七日家爲王母像戴之王城有佛寺七十區而無  
道觀大觀中遣道士往乃立福源院置羽流十餘輩二月望僧  
俗燃燈如內國上元飾上巳日以青艾染餅爲盤蓋端午有軟  
糰戲俗不知醫自王俛請醫後始傳其術人首無枕骨背扁側  
士女服尚素男子巾幘如唐裝婦人鬢髻垂右肩餘髮被下約  
以絳羅貫之簪旋裙重疊以多爲勝夏月同川而浴婦人僧尼

皆男子拜自爲夫婦者不禁樂聲甚下無金石之音既受中朝  
賜乃分爲二部左曰唐樂中朝之音右曰鄉樂故所習者堂上  
設席升必脫屣見尊者則膝行跪應其拜無不答雖子猶半受  
其禮性仁柔不屠宰欲食羊豕則包以蒿而燔之刑無慘酷之  
科外郡悉送王城歲以八月減囚死罪貸流諸島累赦賦輕重  
原之自明州定海遇便風三日入洋又五日抵墨山入其境自  
墨山過島嶼詰曲礁石間舟行甚駛。七日至禮成江江居兩山  
間東以石峽湍激而下所謂急水門最爲險惡。又三日抵岸有  
館曰碧瀾亭使人由此登陸崎嶇山谷四十餘里乃其國都  
冊曰周家八百朝鮮過之內幾不生。唐何能爲王起唐末  
歷宋遼金至元相傳何古何今

弘簡錄卷二百五十三 終



弘簡錄卷二百五十四

明刑部員外郎仁和弘齋邵經邦學

皇清翰林院侍講學士四世孫遠平校閱

附載 西夏

思恭

以下至

繼遷

德明

元昊

諒祚

秉常

乾順

仁孝

子純祐  
姪安全

遵頊

子德旺

西夏之先本魏拓跋氏唐貞觀初有拓跋赤辭者歸附太宗賜

姓李置靜邊等州以處之其後所居夏州者號平夏部至僖宗

朝以拓跋思恭為靈夏節度使統銀夏綏宥靜五州時諸鎮兵

起與元鳳翔邠寧鄜坊河中同華相與交爭獨靈夏未嘗為患

亦無大功朱致之亂思恭與鄜州李思孝皆以兵屯渭橋其後

同王重榮李克用等破黃巢復京師思恭與焉及卒弟思諫代

領鎮賜名定難軍。思諫卒，思恭孫懿昌嗣。梁開平中，僞將高宗益作亂，被殺。將士立其族子蕃部指揮使仁福，拜檢校司空。定難軍節度使奉梁正朔，北通契丹，始爲邊患。岐晉數會兵攻之，梁輒出兵以救。後位檢校太師，兼中書令，封朔方郡王。卒，其子彝超自立，爲留後。邈將多以爲言，明宗因改任延州刺史。彰武軍節度使而徙彰武，安從進往代，恐彝超不受，遣邠州藥彥稠以兵五萬送之。鎮彝超果拒命，從進與彥稠以兵圍之。夏州城堡自赫連勃勃蒸土所築，堅如鐵石，穴不能入。且外招党項抄掠糧道，道路愁苦。詔釋不攻，仍以爲本軍節度。卒，立其弟行軍司馬彝殷，改名彝興，加檢校太師，領節度使。晉初，加同平章事。開運初，契丹授西南招討使。漢初，加兼侍中。周加中書令，封西平郡王。世宗加太保，恭帝加太傅。宋初，加太尉。時北漢劉鈞結

代北諸部寇麟州彝興遣部將李彝王會諸鎮兵禦之鈞遂引去建隆初獻馬三百匹太祖大喜賜以玉帶乾德五年卒廢朝三日贈太師追封夏王子克睿自權州事初名光睿授檢校太保本軍節度使開寶九年率兵破北漢吳堡砦斬首七百級獲牛羊千計俘砦主侯遇以獻累加檢校太尉卒廢朝二日贈侍中子繼筠自權州事初爲衙內都指揮使檢校工部尚書授檢校司徒本軍節度觀察留後太宗征北漢繼筠遣銀州刺史李光遠綏州刺史光憲率蕃漢兵列陣渡河畧太原以張軍勢卒子繼捧襲初附于遼授開府儀同三司太平興國七年率其族人入朝太宗嘉之曲赦銀夏管内賜白金千兩帛千疋錢百萬祖母獨孤氏亦獻玉盤一金盤三皆厚賚之因陳自上世以來未嘗親覲諸父昆弟多怨之者詔留京師乃遣使夏州護總麻

已上親赴闕授以彰德軍節度使併官其昆弟夏州蕃落指揮使克信等十二人有差嘗侍上宴見其狀貌雄偉問汝在夏州以何道制諸部對曰蕃人驚悍但羈縻而已非能制也弟權知夏州克文亦來朝上其祖思恭唐僖宗所賜鐵券及朱書御札改博州防禦使時族弟繼遷數爲邊患朝廷疑繼捧漏泄機事端拱初出之崇信軍遣克文歸博州並選常參官爲通判以專制之又改威德軍宋兵屢討繼遷不克從趙普計令繼捧圖之委以邊事賜國姓趙氏名爲保忠授夏銀綬宥靜等州觀察處置押蕃落等使賜金銀器并五州錢帛芻粟田園辭日宴長春殿賜襲衣玉帶銀鞍馬錦綵銀器從行皆錦袍銀帶馬百匹二年加特進同平章事與繼遷戰于安慶澤中以流矢繼遷遁保忠乞師于朝遣商州團練使翟守素率兵援之仍賜茶百斤上

醢十石五年繼遷攻靈州命李繼隆討之保忠先擊其母與妻于壁野外上言與繼遷解怨獻馬五十匹乞罷兵帝覽奏立遣中使督繼隆進軍壓境繼遷反圖保忠縛牙校趙光祚欲併其衆保忠方寢聞兵來襲悉棄輜重單騎走還城爲大校趙光嗣閉於別室旦開門迎繼隆執保忠送闕下帝詰責數四釋之謫授右千牛衛上將軍封宥罪侯賜第京師削所賜名居環列奉朝請常怏怏不自得咸平中內艱起復遷金吾衛上將軍判岳州移復州景德元年卒贈威塞軍節度使克文卒贈岳州防禦使子永哥不肖授永州別駕天禧四年錄孫從吉爲三班奉職繼遷高祖名思忠亦與黃巢相拒渭橋表有雙鶴射之沒羽賊駭其力以戰沒僖宗贈宥州刺史祠于渭陽曾祖仁顏爲銀州防禦使祖彝景嗣于晉父光儼嗣于周以建隆四年生繼遷于

銀州無定河開寶七年授定難軍管内都知蕃落使繼捧歸宋時年二十與其黨數十人詐言乳母死出塞于郊奔入地斤澤距夏州東北三百里從者日衆太平興國八年知夏州尹憲與都巡檢曹光實偵知夜以兵襲斬首五百級焚四百餘帳繼遷遁免獲其母與妻連娶豪族轉遷無常漸以強大西人多往歸之。因召其豪右謂曰李氏世有西土代著恩德。今一旦絕之。痛思日夜不忘。爾等能從我興復乎。衆咸曰諾。遂與弟繼冲起夏州破丑重遇貴張浦李大信等詐爲降順誘殺曹光實襲銀州據之。雍熙二年三月破會州焚城郭而去。遼聖宗統和中屢遣使朝貢請婚許之。嫁以義成公主。授特進檢校太師都督夏州諸軍事尋冊爲夏國王。宋知夏州安守中引三萬衆與戰于王亭鎮敗績繼遷追至城門而返。端拱初僞以款聞授洛苑使西

南巡檢銀州觀察等使賜姓名趙保吉子德明爲行軍司馬管  
內蕃落使淳化四年運副鄭文寶議禁鹽池困之數月邊人四  
十二族萬餘騎寇環州小杭堡太宗遣錢若水馳其禁因撫慰  
之五年正月繼遷徙綏州民于平夏衆不樂卻將高文旺等來  
攻繼遷敗之復圍堡砦掠居民焚積聚遂攻靈州詔遣李繼隆  
等進討七月遣弟廷信獻馬駝入謝撫資甚厚詔內侍張崇貴  
諭賜茶藥器幣衣物至道初遣都押衙張浦等獻藥駝良馬從  
上於後園觀衛士翹關超乘引強奪槊皆拓兩石弓帝笑問曰  
蕃人敢敵否浦對蕃部弓弱矢短隱然有不敢當之意拜爲鄭  
州團練使留京師繼遷乞禁邊盜掠且言文寶誘其部長鬼囉  
兒悉復引三千騎寇清遠軍守臣張延擊退之二年春轉輪郭  
粟四十萬于靈州命洛苑使白守榮將車先後作三隊布方陣

以護丁夫守築建命併爲一運繼遷邀擊于洛蒲河衆潰掠取  
所運太宗聞之怒九月部分諸將五路進討繼隆出環州丁罕  
出慶州范廷召出延州王超出夏州張守恩出鄜州繼隆以環  
州路迂由青岡峽遠靈武徑趨平夏兵行數日與罕合又行十  
餘日無所見引還守恩遇之不戰而遁諸將失期士卒困乏繼  
遷復令軍主史不貺屯橐駝口以阻歸宋人繼隆遣田敏等擊  
之咸平春真宗加邑千戶實封二百戶益功臣號放張浦還遣  
弟繼瑗謝恩授亳州防禦使封母衛慕氏衛國大夫人未幾復  
抄邊四年麟府副部署曹瑗率熟戶兵邀繼遷輜重于柳撥州  
殺獲甚衆九月破定州懷遠縣及保靜永州清遠監軍段義叛  
城遂陷五年三月大集蕃部攻陷靈州改名西平府建爲都六  
年春徙居之遼封爲西平王詔遣張崇義王涉議和割與河西



銀夏等五州六月復引二萬騎圍麟州詔金明巡檢李繼周擊之上因閱地圖見麟州依險三面孤絕方憂城中乏水適曹瑩請濟師詔發并代石隰州兵走援賊果據水砦知州衙居寶出奇兵突戰絕勇士上下鼓噪矢石如注殺傷萬餘人始拔去又率衆攻西蕃取西涼府都首領潘羅支偶降密集六谷蕃部反者龍族合孽之繼遷大敗中流矢八月復聚兵洛浦河聲言攻環州詔張凝等分兵以待未幾卒年四十二遼贈尚書令遣使弔祭子德明嗣追上尊號應運法天神智仁聖至道廣德孝光皇帝廟號武宗妻野利氏冊號順成懿孝皇后元昊追謚神武廟號太祖墓號裕陵 德明小字阿移幼曉佛書遼史名德昭聖宗時封夏國王宋賜詔撫慰令審圖去就又詔蕃族萬山萬遇龐羅逝安軍主吳守正馬尾等能率部下歸順者授團練使

銀萬兩絹萬疋錢五萬緡茶五千斤其有亡命叛歸者釋罪甄錄旣而糠奴移移等率屬來降德明遣牙將王旻奉表歸順詔侍禁夏居厚慰答之因諭河西蕃族各守疆場三年復遣牙將劉仁勗奉誓表并將其父遺命帝嘉之授特進檢校太師兼侍中持節都督夏州諸軍事行夏州刺史上柱國充定難軍節度夏銀綏宥靜等州管内觀察處置押蕃落等使西平王食邑六千戶食實封一千戶仍賜推忠保順充節翊戴功臣遣內侍都知張崇貴太常博士趙湘等充旌節官告使賜襲衣金帶銀鞍勒馬及銀絹錢貫茶各鉅萬給其俸如內地貢令子弟入質以非故事不遣祇遣使者謝恩獻御馬并散馬駝四年又獻馬駝謝給俸廩請至京市所需物從之五月母罔氏薨遣宋遣使弔祭贈物護塋起復鎮軍大將軍餘如故德明以樂迎官告至柩

前明日釋服涕泣對使者自陳感恩各遣使謝復獻馬助修章  
穆皇后園陵天書降加賜守正功臣益食邑千戶實封四百戶  
俄境內旱詔樵場勿禁西人市糧以賑其乏東封遣使來獻禮  
成加兼中書令益食邑如前數時遼亦遣使冊爲大夏國王遂  
大起宮室于鐵子山明年出侵回鶻屢恒星晝見而還三年境  
內饑上表求粟百萬宋大臣皆以德明新納誓而敢違約請加  
督責帝用王旦策而止西攻河與甘州宗哥族及秦州緣邊熟  
戶出大里河築柵著耳平祀汾陰進中書令聖祖降加守太保  
謁太清宮遣使來獻方物加宣德功臣祥符八年築堡于石州  
濁輪谷將建樵場詔止之九年表邊臣自向敏中張崇貴之後  
罕守舊制邀功生事致違舊約綏延涇原等界擅舉兵甲入臣  
境土其有放亡部族刦掠主財去者百無十回臣之邊吏亦務

蔽藏俱失。奏論詔令五路各守約束。毋相攻劫。其有隱蔽逃亡。  
晝時勘送。及本國宜戒部下各遵紀律。以守封疆。天禧元年加  
守太傅。三年春丁繼母憂。起復如前。遣使弔祭冬郊。祀又加崇  
仁功臣。四年遼主親將兵五十萬以狩獵爲名。來攻涼州。德明  
師衆逆拒。敗之。五年遼復遣金吾將軍蕭孝誠賁玉冊金印拜  
爲尚書令。乾興元年加純誠功臣。每歲旦聖節冬至皆遣牙校  
來獻加恩官告。又遣內臣就賜襲衣金帶金花銀匣銀沙羅盆  
合千兩錦綵千疋金塗銀鞍勒馬副之以纓。及賜冬服。頒餽天  
曆二年攻麟州。榮遠若巡檢楊承吉戰不利。命曹瑋安撫禦備。  
俄城懷遠鎮爲興州。以居仁宗卽位加尚書令。凡娶三姓衛慕  
氏生元昊。咩迷氏生成嵬天聖八年火星入南斗。九年卒。年五  
十一。追諡光聖皇帝。廟號太宗。墓號嘉陵。宋贈太師尚書令兼

中書令遣使祭奠帝與太后成服于苑中賻絹布合千疋副以  
上醢羊米麵將葬賜物稱是皇太后賜亦如之 子元昊立小

字見理

國語謂惜爲  
鬼富貴焉理

後改襲蕃性雄毅多大畧善繪畫曉浮圖

能舟製物始學通蕃漢文字案上嘗置法律并携野戢歌太乙  
金鑑訣少時四面高準身長五尺餘好衣長袖緋衣冠黑冠佩  
弓矢張青蓋引以二旗從百餘騎弱冠獨引兵襲破回鶻夜洛  
陽可汗奪其甘州自爲太子數諫其父臣宋父謂用兵已疲吾  
族三十年荷宋恩衣錦綺不可有負元昊奮曰英雄之生當王  
霸耳且蕃性所便衣皮毛事畜牧何錦綺爲遼初妻以興平公  
主爲駙馬都尉後封王宋遣使副資旌節官告勲爵皆如故襲  
封後明號令以兵法勸諸部始衣白窄衫羶冠紅裏頂後垂紅  
結綬穿靴白號鬼名吾祖凡見官屬用六九日其官分文武班

如中朝制有中書樞密三司御史臺開封府翊衛司官計司受  
納司農田司羣牧司飛龍院磨勘司文思院醫學漢學皆分命  
蕃漢人爲之文資則幘頭鞞笏紫緋衣武職則冠金帖起雲鏤  
冠銀帖間金鏤冠黑漆冠禿髮耳重環衣紫旋襴六襲金塗銀  
束帶垂躡蹠佩解結錐短刀矢韜馬乘鯢皮鞍垂紅纓打跨釵  
拂便服則紫阜地繡盤毬子花旋襴束帶民庶青緣以別貴賤  
每舉兵必率部長與獵下馬環坐割鮮飲酪各問所見擇取其  
長明道改元以避父諱國稱顯道景祐初攻環慶路殺掠居人  
下詔約束毋殘冊諭惠慈致愛皇后遣使弔贈并起復官告時  
慶州柔遠砦蕃部巡檢崑通攻破後橋諸堡元昊稱兵報仇敗  
緣邊都巡檢楊遵柔遠砦監押盧訓兵七百人龍馬嶺環慶都  
監齊宗矩走馬承受趙德宣寧州都督王文來援反爲所執久

之放歸二年加兼中書令遣兵二萬攻斡斯囉敗死略盡乃自率衆攻猶牛城一月不下詐爲約和開城縱殺又攻青唐安二宗哥帶星剄諸城斡斯囉部將安子羅以兵絕歸路暨夜角戰二百餘日子羅敗遂取瓜沙肅三州旣還欲南侵恐斡斯囉制其後復舉兵攻蘭州諸蕃侵至馬銜山築城凡川於是悉有夏銀等十四州洪定威龍四鎮兵總五十餘萬自居興州鎮守興慶府兵七萬阻黃河依賀蘭山爲固駐兵五萬靈州亦如之始大建官以覓名守全張陟張絳楊廊徐敏宗張文顯各主謀議鍾鼎臣典文書成逋克成賞都臥都如定多多馬寶惟吉主兵馬野利仁榮主蕃學置十二監軍司委豪右分統其衆自河北至午臘翦山兵七萬以備并丹河南洪州白豹安鹽州羅落天都惟精山等兵五萬以備環慶鎮戎原州左廂宥州路兵五萬

以備廊延麟府右廂甘州路兵三萬以備西蕃回紇選豪族善  
弓馬五千人迭直號御圍分六班每月三蕃以爲宿衛鐵騎三  
千列爲十部發兵以銀牌召部長面受約束設十六司于興州  
以總庶務又自制蕃書教國人紀事用之命野利仁榮演成十  
二卷字形體方正類八分而畫頗重復譯孝經爾雅四言雜字  
爲蕃語宋寶元初表遣使詣五臺山供佛寶欲窺河東道路與  
諸豪歃血約先攻廊延欲自靖德塞門砦赤城路三道並入是  
歲改元太慶築壇受冊卽皇帝位時年三十遣潘七布昌里馬  
乞點兵集蓮子山自詣西涼府祠神明年遣使上表以十月十  
一日郊壇備禮自立爲世祖始文本武興法建禮仁孝皇帝國  
號大夏建年天授宋詔削奪官爵互市揭榜邊人能生擒若斬  
首獻者卽授本軍節度使夏遣賀永年齎嫂書納旌節及所授



敕告康定元年環慶路鈐轄高繼隆知慶州張崇俊攻後橋柔  
遠砦主武英入北門拔之未幾夏人攻金明砦執都監李士彬  
父子破安遠塞門永平諸砦圍延州設伏三川口執劉平石元  
孫傅偃劉發石遜等又攻鎮戎軍敗劉繼宗李緯兵五千環慶  
部署任福入白豹城焚其積聚破四十一族慶曆元年二月攻  
渭州逼懷遠城韓琦發鎮戎兵及勇士萬人命任福等併擊之  
夏人已過懷遠東南遂設伏于好水川與龍洛川相離五里元  
昊自將精兵十萬營于川口僞於道傍置銀泥盆數枚封塹謹  
密都監桑懌聞其中有動躍聲疑莫敢發福至發之有懸哨家  
傷百餘自盆中起盤飛軍上夏兵四合忽於陣中豎飽老旗長  
二丈餘懌等莫測旣而揮右則右伏出揮左則左伏出翼而襲  
之宋師大敗懌與福等皆戰沒開右震動秋夏人轉攻河東及

麟府不能下反攻豐州據之又破寧遠砦屯要害以絕麟府餉道管勾麟府軍馬張亢破之于柏子陂兔毛川築十餘柵河外始固自是雖數勝然死亡創痍者相半國人困於黠集財力不給皆怨有十不如之誦僞請通和歸塞門砦知延州范仲淹爲陳禍福作書往喻復使親信野利旺榮答書詞語猶嫚是歲夏境鼠食稼且早代知延州龐籍令知保安軍劉拯諭旺榮許以西平茅土知青澗城种世衡遣王嵩語見本傳知渭州王沿總管葛懷敏使僧法淳持書而往乃出嵩同教練使李文貴至青澗城自言用兵以來資用困乏籍疑其欺吾軍留之三年復大入戰于定州宋師大敗懷敏死之直抵渭川焚掠而去詔籍招納籍遣文貴還月餘復賁其臣榮旺令覓名褒三人書來歲和夏僭疆不肯削僭號謂如日方中止可順天西行安可逆天

東下籍以其言未服乃令自請詔籍復誓許之明年遣伊州刺史賀從勛與文貴俱來稱男邦泥定國兀卒上書父大宋皇帝而不稱臣議者謂蕃語兀卒卽吾祖以爲侮玩朝廷不可許詔遣邵良佐王正倫等更往議夏亦遣加定聿捨張延壽楊守素等繼來四年始上誓表進納本國城砦其柈柈鐮刀南安承平故地及他邊境蕃漢所居乞畫中爲界於內聽築城堡凡歲賜銀綺茶絹二十五萬五千乞如常數臣不復以他相干詔書諭管這祠部員外郎張子興充冊禮使副以祇候張士元賜對衣金帶銀鞍勒馬銀絹茶合七萬冊川漆書竹簡籍之以錦金塗銀印文曰夏馬主印約稱臣奉正朔改所賜勅書爲詔而不名皆自置官屬使至京就驛買賣宴坐朶殿使至其國相見用賓客禮置榷場于保安軍及高平砦但不通青鹽後每遣使往館

于宥州終不復至興靈其國中稱帝自若是歲遼夾山部落呆  
兒族八百戶叛歸之興宗責還元昊不遣遂自將騎兵十萬出  
金肅城弟天齊王馬步軍大元帥將騎七千出南路韓國王蕭  
惠將兵六萬出北路三路濟河長驅入夏境四百里不見敵興  
宗據得勝寺南壁以待八月五日韓國王自賀蘭北與元昊接  
戰數勝之遼兵至者日益夏乃請和退十里韓國王不從如是  
退者三凡百里餘每退必赭其地遼馬無所食因許和夏乃遷  
延以老其師伺馬有病急攻敗之復攻南壁興宗大敗入南樞  
王蕭孝友砦擒其鵠突姑附馬興宗從數騎走其生五月五日  
國人以其日相慶賀又以四孟朔爲節凡五娶與遼主不和次  
宣穆惠文皇后沒藏氏生諒祚三愆成皇后野力氏四妃沒咄  
氏五索氏殂時年四十六在位十七年改元開運一歲運二大

夏二天授禮法延祚十一諡曰武烈皇帝廟號景宗墓號泰陵  
宋遣使祭奠弔慰賜絹布上醴羊麵米加德明三之一及羣仍  
賜絹條如初賻長子諒祚方期歲立小字寧令哥

國語  
歡喜

嘉祐

元年宋遣使方加冊禮其母亦罷遣使弔祭故諒祚幼養于母  
族訛麗因專國政初麟州西城紅樓下瞰屈野河其外距夏境  
尚七十里而田腴利厚多入訛麗歲東侵不已管勾軍馬司賈  
達微循見所侵田督責邊吏麟州守王亮懼以事聞詔命殷直  
張安世賈思爲同巡檢經制之訛麗專爲譟言無歸意迫之則  
格鬪緩之則歸耕二年乃回兵數萬宿境上逮三月桓欽兵弗  
戰知麟州武戡率將吏往按視遇敵于沙鼠浪合戰自旦至食  
時夏人四面合擊戡衆大潰走管勾郭恩承受黃道元監押劉  
慶等被執安撫司遣李思道孫兆往議邇事訛麗復將不聽久

之代州兵馬鈴轄賴安靜得夏國呂寧拽浪捺黎來合議乃築  
堠九更新邊禁要以違約則罷和市自此始定俄有告訛臚將  
叛諒祚因討殺之滅其族嘉祐六年上書自言慕上國衣冠請  
去蕃禮從漢儀詔許之又表求太宗御製草詩隸書石本且進  
馬求九經唐史冊府元龜及宋正至朝賀儀詔賜九經還所獻  
馬時改西壽監軍司爲保春軍石州監軍司爲靜塞軍華州監  
軍司爲祥祐軍左廂監軍司爲神勇軍遣人獻方物稱宣徽南  
院使詔諭非陪臣所宜稱戒其僭擬使遵誓詔治平初求復權  
場不許旣而遣吳宗等來賀英宗卽位詔令門見不從使者至  
順天門欲佩魚及儀物自從引伴高直不能禁留止脫置一夕  
絕其供饋宗語不遜宜折之良久乃聽及賜食殿門又訴於押  
伴張觀命還赴延州與宜辨宗度理屈不復置對有詔諒祚懲

約之是秋夏人出兵秦鳳涇原抄熟戶擾邊塞丐箭手殺掠人畜以萬計程戡王素孫長卿諭安諸族首領防誘脇散叛遣文思副使王無忌齎詔問之諒祚遷延弗受已而因賀正使蒞茂先獻表歸罪宋邊吏三年遂大舉攻大順城分兵圍柔遠砦燒屈乞村柵戍木嶺州兵熟戶蕃官趙明合擊退之遣西京左藏庫副使何次公詰問三月乃獻方物謝罪賜絹銀各五百疋兩神宗卽位遣崇班魏瑛賜以治平三年冬服銀絹遣使告哀并賜遺留物秋使者來奉慰及進山陵助物冬种諤取緹州因發兵夜掩鬼名山帳脇降之諒祚恣詐爲會議誘殺知保安軍楊定都巡檢侍其臻等邊吏以聞命韓琦經畧之乃銅送殺定者李崇貴韓道善至則言定奉使時常拜舞稱臣且許以歸沿途熟戶諒祚遺之寶劍寶鑑及金銀物定歸抵上劍鑑匿其金銀

言諒祚可刺帝喜擢知寶安夏以失殺州爲定寶已罪先在定  
故殺之帝薄崇貴等罪而削定官沒其田宅遼興宗重熙十九  
年遣使問罪殿前都點檢蕭迭里得與戰于三角川敗之挾討  
使蕭蒲奴等入夏境不遇敵縱兵俘掠而還諒祚上表如母命  
乞依舊稱臣入貢二十一年遣使乞弛邊備清寧元年遣使賀  
道宗卽位十二月諒祚殂年二十一敗元延嗣寧國一年天祐  
垂聖三年福聖承道四年禪都六年拱化五年共二十年諡曰  
昭英皇帝廟號毅宗墓號安陵長子秉常卽位年七歲母曰  
恭肅章憲皇后梁氏尊爲太后攝政熙寧二年遣使爲夏國  
王三月入秦州陷劉溝堡殺范愿初朝議欲官爵夏之首領計  
分其勢郭遵以爲必不受詔且彼旣恭順宜布大信不當誘之  
以利未幾梁遵都羅重進來言上方以孝治天下奈何反教小



國之臣叛其君哉。於是罷前議。旣而表請以安遠塞門二砦易綏州。賜以誓詔。待得二砦交還。綏州夏遣閔訛來言。欲先得綏及趙畝。往交地。訛對以朝廷本欲得二砦地界。非所約。畝曰。若然。祇二牆爐耳。安用之。議亦罷。故綏州復城。是歲遣使來謝。封冊。因請去漢儀。復用蕃禮。三年五月。夏衆十萬築鬧訛堡。知慶州李復圭合蕃漢兵纔三千。遣偏將李信。劉市种。詠等出戰。辭言衆寡不敵。復圭威以節制。親盡陣圖。方畧授之。信等大敗。復圭劾其故違節制。詠庚死。斬信。甫配流郭貴。復欲自解。出兵邛州堡。夏人已去。夜入欄浪市。掠老幼數百殺之。復襲金湯。以功告捷。由是邊慙大起。八月。夏遂大舉入環慶。攻大順城。柔遠砦。荔源堡。淮安鎮。東谷西谷二砦并業樂鎮。兵多者號二十萬。少者一二萬。屯榆林。距慶州四十里。游騎至城下。九日乃退。

鈐轄郭慶高敏魏慶宗秦勃等皆死之四年正月諤謀取橫山  
領兵先城囉兀進築永樂川貫通嶺二砦遣都監趙璞燕達等  
分築撫寧故城及荒堆三泉吐渾川開光嶺葭蘆川各相去四  
十餘里二月夏人攻順寧砦復圍撫寧折繼昌高永能等領兵  
駐西浮圖种諤聞之茫然失措自是親築諸堡悉陷沒將士千  
餘人朝議亦以囉兀城去綏德百餘里偏梁險狹難於餽餉且  
城中無井泉遣李評張景憲往視未至而撫寧陷遂詔棄囉兀  
城九月夏遣使入貢乞如舊約改易綏州詔不允五年六月夏  
還荔原堡逃背熟戶兒通等七十八人閏七月遣部將景思立  
王存以涇原兵出南路王韶由東谷徑趨武勝未至十餘里逢  
夏人戰遂至其城暗藥棄城夜遁大首領曲散四王阿南珂出  
奔乃城武勝十二月遣使進馬贖大藏經詔還馬賜之八年三

月夏牒熙河經畧司索蕃部盜人畜投南界者稱大安二年詔  
鄜延經畧司問妄稱年號且牒非其地分皆違越生事又進奉  
山陵後期令先至永厚陵設祭後至關奉慰帝詔輔臣昔元昊  
僭位遣使上表稱臣其辭猶遜朝廷不先詰其所以然而遽絕  
之當時諫官獨吳育謂難處以內國叛臣宜稍易其名號議者  
皆謂不然卒困中原而後歲賜封冊爲夏國主可消哉元豐二  
年六月又自滿堂川入大會平殺防田人馬兵官李浦等逼逐  
出塞九月綏德把截楊永慶聲言循邊而掩取蕃部首級詐稱  
斬犯邊人送西京編管四年秦人李將軍清說乘常以河南地  
歸宋國母知之遂誅清奪乘常政謬疏謂已越虢國內大亂宜  
興師問罪帝然之遣王中正往鄜延環慶募禁兵詔李憲等大  
舉及諭夏國嵬名諸部首領能拔身自歸及相率共誅國讐當

崇其爵賞敢有違拒者誅九族八月憲總七軍及董璲兵三萬至新市城戰敗夏人中正提河東兵六萬出麟州禱辭自言皇帝親征行纔數日即奏已入夏境屯白草平九日不進高遵裕將部騎入萬劉昌祚將卒五萬出慶州誘將鄜延及畿內兵九萬山綏德城遂圍米脂斬夏援兵五千綏十月克之進攻石州遇大雪遂潰入塞者纔三萬人中正渡無定河地皆沙濕土馬多陷沒死亡二萬遂趨夏州至宥州奈王井釐盡民皆潰散無所得引還遵裕攻靈州夏人決黃河灌營抄絕餉道士卒凍溺死餘兵萬三千歸遇夏人追戰將官俞平死之昌祚遇夏人二三萬拒于磨齊隘乃分兵渡葫蘆河奪其隘與統軍國母弟梁大王戰大破之憲營天都山下焚其南牟內殿并館庫追襲敗統軍仁多陵丁擒百人遂班師涇原總兵侍禁魯福彭孫護魄

餉至鳴沙川三戰敗績梁太后初聞大舉問于老將策將安出  
對曰不須拒之但堅壁清野縱其深入我惟聚勁兵于靈夏而  
遣輕騎絕其餽運大兵無食可不戰而困也梁后從之至是果  
無功五年正月遼使遺書稱宋兵起無名不測事端神宗報以  
乘常受宋封爵爲母黨囚辱比令移問事端其同惡不報繼又  
引兵侵犯邊界義當有征今彼屢遭敗衄故遣使詭情陳露意  
在間貳想彼必已悉察夏人聞此遂不至五月沈括請城古烏  
延城以包橫山使夏人不得絕沙漠遂遣徐禧李舜舉往議禧  
請更于銀夏宥之界築永樂城永樂接宥州附橫山夏人必爭  
之地且依山無水泉謬極言不可禧率諸將竟城之賜名銀川  
砦九月夏兵三十萬來爭縱鐵騎渡河號鐵鶚子宋兵被衝突  
敗績將校寇倖李師古高世才夏儼程博古皆死詔令括還永

樂地約退軍及縣門潰奔歸于城者三萬人皆沒夏圍兵厚數里將士晝夜血戰城中乏水復渴死大半援兵及餽運皆爲所隔夏人呼珍來講和呂整景思義相繼行思義爲所髡而囚之夜半環城急攻遂陷諸將皆死惟曲珍王湛李浦呂整裸跣走蕃部指揮馬貴獨誓死持刀殺數十人而沒是役也死者將校數百士卒役夫二十餘萬夏乃耀兵米脂城下而還事聞帝臨朝痛悼自此夏人亦困弊其西南都統昂星嵬名濟移書呂祚以爲聽誣受間肆詐窮兵垂上國之體爲外邦之羞祖宗之盟旣阻君臣之分不交存亡之機發不旋踵何不進讜言闢邪議使朝廷與夏國歡好如初生民重見太平不勝天下大幸呂祚上其書帝諭答之六年二月復大舉圍蘭州奪兩關門鈴轄王文郁集死士七百夜縋下城持短兵突營遂拔去五月復圍九

日大戰侍禁韋禁死之乃解去閏六月遣使來貢表稱切念臣  
自歷世以來貢奉朝廷無所虧怠至於近歲尤甚歡和不意儉  
人誣間朝廷特起大兵因茲構怨今乞示以大義特還所侵倘  
垂開納別効忠勤詔答項以權強敢行廢辱朕用震驚令邊臣  
往問匿而不報王師徂征蓋討有罪今遣使造庭辭禮恭順仍  
問國政悉復故常益用嘉納已戒陝西河東經畧司毋輒出兵  
其新復城砦徼循亦毋出三二里爾其堅守先盟所有歲貢資  
賜一切如舊七年正月圍蘭州李憲戰却之六月攻德順軍巡  
檢王友戰死九月圍定西城燒龕谷族帳十月攻至靜邊鈐轄  
彭孫敗之殺其首領仁多陵丁十二月攻清遠隊將白玉李貴  
死之八年神宗崩賜以遺留物遣使奠慰及進助山陵禮物復  
攻葭蘆供奉王英戰死國母梁氏薨冊諡昭簡文穆皇后亦遣

祭奠弔慰復以遺留物來進元祐元年二月遣使入貢五月來賀哲宗卽位六月復遣使求所侵蘭州米脂等五砦趙卨與司馬光言此邊鄙安危之機不可不察靈夏之役本由我起新開數砦皆是彼田今旣許其內附豈宜靳而不與若是則恭順無益彼必以武力取之小則上書悖慢大則攻陷新城當此不得已而與之其爲國家之耻無乃甚乎時異議者衆惟文彥博與光合遂從之是秋七月遂殂年三十六遣使祭奠弔慰在位改元乾道二天賜禮盛國慶五大安十一天安禮定一凡二十年諡曰康靖皇帝廟號惠宗墓號獻陵長子乾順三歲嗣位元祐二年正月勲爵皆如故三月遣使進馳馬以謝七月攻鎮戎諸堡劉昌祚等禦退之三年三月攻德靖砦將官張誠等擊敗之又寇塞門寨諸將米贊郊普戰死詔昌祚以涇原萬人駐德



順軍然河五千駐通遠軍據秦鳳要害以爲犄角遂攻龍谷砦  
砦兵及東關堡巡檢等戰不利死者幾百人四年遣使來賀坤  
成興龍二節并正旦六月歸永樂所掠吏士百四十九人詔以  
葭蘆米脂浮圖安疆四砦還之遣崇儀使董正叟如京使李玩  
押賜生日禮物及冬服五年六月復以畫疆界不依內十里築  
堡鋪供耕牧外十里立封堠作空地詔諭邊臣如約冬攻蘭州  
質孤勝如二堡七年屢攻綏德城以重兵壓涇原境留五旬大  
掠築壘于烟峽口以白固游師雄請自蘭州東建汝遮納迷結  
珠龍三砦及置護耕七堡以固藩籬穆衍請於質孤勝如二堡  
之間城李諾平以控要害議未決秦鳳都監康謂又言彼所以  
屢肆寇兵者以我勢分于提備兵未練習賞罰失當若能擇銳  
結伍伺彼之動聚則先擊散則復襲使彼分而我聚以衆擊寡

可得志也。詔謂諸闕下其事於諸道。紹聖元年二月，進馬助太皇太后山陵。三年九月，大入鄜延。西自順寧，招安砦東自黑水，安定中自塞門，龍安、金明以南一百里，間相繼不絕。至延州北五里，哲宗聞之，笑曰：「五十萬衆深入吾境，不過十日，勝不過一二砦，須去已而果退。」十月，忽自長城馳金明，列營環城。國主暨母親督桴鼓，縱騎四掠，而留後騎之精銳者于龍安。遇將掩擊，不退，遂破金明，殺守兵二千八百，惟五人得脫。城中糧草皆盡。將官張俞死之。既還，留一書置漢人頸上，言本國與朝廷議疆場，小有不同，方行理。冤不意改悔，却於坐團鋪處立界。本國以恭順之故，勉聽從。自於境內立數堡，護耕而鄜延出兵，悉行平蕩。又數入界殺掠國人，共憤欲取延州。終以恭順止取金明一砦，亦不失臣子之節。延帥呂惠卿祇達密院，不以上聞。四年

正月涇原都鈐轄王文振率諸將破沒煙峽新砦斬獲三千餘級二月夏復以七萬衆攻綏德城三月犯麟州神堂堡鄜延將兵戰却之又至葭蘆城爲知石州張構等所擊而走四月環慶鈐轄張存入鹽州俘斬甚衆及還夏人追襲復多亡失元符元年十二月彗星見赦國中涇原折可適掩西壽統軍鬼名阿埋監軍妹勒都逋獲之二年正月國母梁氏薨遣使詣德崇來爲夏人議和復書若果出至誠深悔謝罪當徐度所宜開以自新之路五月夏蘭會正鈐轄革瓦奴以部落來降授內殿崇班賜以銀絹緡錢七月環州种朴徽赤羊川獲賞囉訛乞家屬孳畜戰却追騎擒監軍訛勃囉首領淚丁訛遇詔令赴闕存恤其家遣人持信號往招訛乞三月夏人上表謝過詔省所上章能負罪引愆諭邊臣毋相侵犯已而復出二千騎於浮圖谷來戰

供奉官陳吉差使李戴死之間月古逸川部族叛熙河將王愬率兵掩擊翌日夏人馬數萬圍愬等力戰敗之擒其鈐轄鬼名乞遇紇制苗履又戰於青唐晚夏人敗績十二月遂遣今能鬼名濟等進誓表歸其過於母黨檀權頗生邊患雅躬反正乞紹先盟約束事條恭依處分詔報爾以凶黨造謀數千邊吏而能悔過請命祈紹先盟念彼種人均吾赤子措之安靜乃副朕心嘉爾自新俯從厥德自今已往歲賜仍舊哲宗崩遣使奠慰及賀徽宗卽位復遣使賀天寧節始建國學設弟子員三百立養賢務以稟食之崇寧三年蔡京使熙河王厚招致夏國卓羅右廂監軍仁多保忠夏乃典兵延渭慶三路各數千騎聲言假兵于遼遼嫁以成安公主四年詔西邊能招誘者毋問首從賞同斬級陶節夫在延州乾順遣使與請皆拒之又令殺牧放者夏

人送入鎮戎畧數萬口執知廊州高永年而去又攻涇州自是  
兵連者三年大觀元年始遣人修貢政和四年冬環州定遠大  
首領李訛哆遣夏國統軍梁哆陵書言定遠唾手可取定遠既  
得旁十餘城不攻而下我儲殺累歲隨所在闕地藏之大兵若  
來斗糧無齎哆唆遂以萬人來迎轉運使任諒覺其謀盡發害  
殺至失所藏越七日訛哆遂以其部萬餘歸夏乾順築臧底河  
城詔童貫爲陝西經略以討之五年春遣熙河經畧劉法將步  
騎十五萬出涇州秦鳳劉仲武將五萬出會州貫以中軍駐蘭  
州爲兩路聲援仲武至清水河築城屯守而還法與夏右廂軍  
戰于古骨龍大敗之斬首三千級奏凱皆遷秩秋仲武王厚復  
合涇原廊延環慶秦鳳之師攻藏底河城敗績死者十四五秦  
鳳第三將萬人全軍皆沒厚懼賂貫使匿之冬夏以數萬騎畧

蕭關而去六年春法仲武復合熙秦師十萬攻仁多泉城三日  
不克後援不至城中請降法受而屠之种師道以十萬衆復攻  
克臧底河城十一月夏大舉攻涇原靖夏城以報潛穿壕爲地  
道城遂陷亦屠之而去宣和元年貫又遣法使取朔方引兵至  
統安城遇國主弟察哥郎君率步騎爲三陣以拒前軍而別遣  
精騎出其後大戰移七時前軍楊惟忠後軍焦安節皆敗左軍  
朱定國力戰及暮兵不得食馬亦渴死法乘夜遁比明至盩朱  
峴守兵追之墜崖折足斬首而去是役死者十萬貫皆隱之反  
以捷聞察哥見法首語其下曰劉將軍前敗我於古骨龍仁多  
泉吾常避其鋒謂天生神將豈料今爲一小卒所困哉遂乘勝  
圍震武震武在山峽中熙秦兩路不能餉自築城三歲間知軍  
李明孟清皆爲夏人所殺察哥故留以作南朝病塊乃不接引

去大將劉仲武何瑗并宣撫尚受解圍之賞不知諸路所築城  
砦皆夏所不爭之地而關輔乃爲之難條矣十月遣使賀天寧  
節投以誓詔不取貫迺館伴強之及邊委棄而去賈炎得而上  
之貫始大沮時金滅遼天祚走陰山夏將李良輔將兵救助復  
遣使請臨其國天祚冊乾順爲夏國皇帝金主使完顏宗弼與  
夏國議和若遼主至彼可令執送又使宗翰以便宜制遼下寨  
以北陰山以南乙室耶剌部吐祿渌之西以賜夏國天會二年  
乾順上誓表自今歲時朝貢一切永依臣事遼國舊禮仍與金  
約攻麟州以牽河東之勢欽宗卽位遣使來賀靖康元年金兵  
深入夏乘間由金州河清渡河取天德雲內武州河東八館之  
地四月陷震威城監押朱昭死之繼而金貴人兀室以致萬騎  
陽爲出獵掩至天德逼逐夏人悉奪其地是歲丁未改元正德

乃建炎元年也九月金兀朮回雲中遣保靜軍節度使楊天吉約侵宋乾順許之金既奪夏地乃責償于宋令左監軍希尹以國書授通問使博勞爲夏國請熙寧以來侵地二年正月以主客員外郎謝亮爲陝西撫諭兼宣諭使授從事郎何洋太學博士令持詔書往賜乾順初以賓禮見使者至是倨然見之留居數月始與約和罷兵比亮還行在夏兵已蹕其後襲取定邊軍明年諜知關陝無備檄延安府言金割鄜延以隸本國須當理索取違拒者發兵誅討之帥臣王庶檄報貴以乘人之急因遣諜間其用事臣李遇夏始不出宗澤奏請北伐乞遣辨士西說夏國俾出助兵張浚亦欲通夏國爲川陝之援復假亮太常卿權宣府處置司叅議官以往迄不得其要領而還四年環慶路統制慕容叛降以爲山訛首領紹興元年同州觀察副使劉惟



輔棄德順軍輸欵于夏拒不受八月詔以夏本敵國毋頒曆日  
十一月川陝宣撫吳玠始遣人通書三年九月呂頤浩言宜令  
張浚乘金夏交惡通問以探其情是歲耶律余覲謀結燕雲之  
人以圖女直黏罕覺欲誅之父子托以遊獵遁入夏國因其兵  
少不納四年十二月玠奏夏國數通書有不忘本朝意七年正  
月吳璘又奏西蕃三十八族首領趙繼忠來歸可扼西夏右臂  
十月僞齊知同州李世輔奔投夏國語在李顯忠傳九年夏人  
陷府州靈芝生於後堂高守忠家乾順作靈芝歌俾中書相王  
仁宗和之六月遂殂年五十七在位改元天儀治平四天祐民  
安八永安三貞觀十三雍寧五元德八正德八大德五凡五十  
四年諡曰聖文皇帝廟號崇宗墓號顯陵長子仁孝嗣金遣  
使冊命加開府儀同三司上柱國請置榷場許之先是金太宗

遣王阿海賜乾順誓詔以違舊儀見之阿海辭曰違與夏甥舅  
國也親親之禮故可坐受今大金與夏國君臣也見大國使者  
當如儀於是始立受焉及海陵弒熙宗遣使至境上不肯納使  
有司以廢立之故移文報之紹興九年十月詔遣王樞及夏國  
之俘百九十人十一月尊曹氏爲國母十二月納后閔氏十一  
年金撒离喝再定陝西樞密慕洵與弟慕濟思歸族誅之上仁  
孝尊號曰制義去邪九月饑十三年三月地震逾月不止地裂  
泉湧出黑沙歲又大饑乃立井里以分賑之始建太學于國中  
親釋奠弟子員賜予有差立小學于禁中親爲訓導十四年彗  
星見五十餘日而滅占其分在夏國十六年尊孔子爲文宣帝  
十七年策舉人始立唱名法十八年復建內學選名儒主之增  
修律成賜名新律二十八年始立通濟監鑄錢初仁孝嗣位臣

下屢作亂。任得敬抗禦有功。遂相夏國二十餘年。陰蓄異志。欲圖夏國。誣殺宗親大臣。其勢漸逼。仁孝不能制。乃分西南路及靈州囉龐嶺地與得敬自爲國。封楚王。三十一年立翰林院。以焦景顏王僉等爲學士。始修實錄。移置中書樞密於內門外。大禁奢侈。封制蕃字野利仁榮爲廣惠王。金亮犯四川。宣撫吳玠移檄合兵討之。三十二年以騎兵二千至蔡園川。及馬家峽。充頭嶺將分道入攻。玠復使鎮戎守將秦弼諭之。金兵敗。乃還。先是仁孝爲得敬求封爵於金世宗。不許。得敬遣間使至四川。宣撫司約共攻西蕃。吳亮文報以蠟書。七月得敬間使再至。爲夏人所獲。八月并黨與咸伏誅。淳熙十三年二月。諜報故遼國大石牙林假道于夏以伐金。密詔都統吳玠與制置劉正議之。十三年四月。復詔挺結夏國。金世宗嘗謂宰臣。夏國以珠玉易我

絲綿是以無用易有用也命減罷保安蘭安榷場使副往來聽  
留都亭貿易昌宗明昌二年復舊至宋紹熙四年仁孝殂年七  
十在位五十五年改元大慶四年入慶五年天盛二十一年乾  
祐二十四年諡曰聖德皇帝廟號仁宗墓號壽陵長子純祐  
立改元天慶母曰章憲欽慈皇后羅氏開禧二年鎮齊郡王安  
全廢之自立殂年三十在位十四年諡曰昭簡皇帝廟號桓宗  
陵號莊陵安全崇宗之孫越王仁友之子改元應天又改皇  
建嘉定四年安全殂年四十二在位六年諡曰敬穆皇帝廟號  
襄宗陵號康陵有子承禎乃立齊國忠武王彥宗子遵頊遵  
頊始以策試狀元及第爲大都督府主嘉定四年七月立時年  
四十九改元光定金術紹王崇慶元年遣使封冊時金兵敗績  
于會河堡遵頊乘之侵略邊境乃攻葭州又攻保安會州陷涇

州攻慶源延安積石州攻武延川攻環州入安鄉關破西關堡  
復攻第五將城旣而深入臨洮執宣撫副完顏胡失來夏兵亦  
敗於克戎寨熟羊寨企道慶陽總管慶山奴伐夏出環州提控  
完顏狗兒敗夏兵于阿彌灣殺其將士百餘左監軍商慶壽敗  
夏兵于寇安堡右都監賽不走夏兵于結耶嘴川又破之車兒  
堡宣宗伐夏左監門陀滿胡土門延安總管汪石倫攻鹽州夏  
州知平涼府移刺答不也攻威靈安會等州興定元年夏兵三  
萬自寧州還慶山奴邀擊敗之五月夏兵入大北岔都統高猪  
狗掩擊敗之右都監完顏間山敗夏兵于黃鶴岔夏復圍羊狼  
寨完顏狗兒遣都統夾谷瑞夜斫夏營遂解其圍二年五月入  
茂州慶山奴破之于馬吉峰七月犯龍谷夾谷瑞趙防敗之追  
至質孤堡三年閏月夏人破通秦寨提控納合買住擊敗之四

年二月夏人犯鎮戎四月夏又犯邊元帥石蓋合喜遇夏兵于  
鹿兒原以偏師敗之八月夏人陷會州刺史商世顯降又自高  
峯鎮圍定西刺史愛申阿失刺擊走之九月開綏平寨安定堡  
未幾陷西寧州遂攻定西烏古論長壽擊却之乃襲華州合喜  
逆戰解去二月寧遠軍節度使夾谷海壽破夏兵于投鬼堡元  
光元年正月陷大通城復取之八月攻寧安寨神林堡入質孤  
堡提控唐括昉敗之是歲元兵問罪夏國自天會議和八十餘  
年金與夏未嘗兵爭及貞祐之初小有侵掠以至構難十年不  
解一勝一負精銳皆盡而兩國俱敝矣遵頊廼自號上皇傳位  
於其子德旺收元乾定宋寶慶二年春遵頊殂年六十四在位  
十三年諡曰英文皇帝廟號神宗丙戌七月德旺殂年四十六  
在位四年廟號獻宗清平郡王子南平王琬立二年丁亥秋爲

元所取。歷世二百五十八年。國亡。夏初五州。後取武威。張掖。酒泉。燉煌郡地。南界橫山。東距西河。地方二萬餘里。設官之制。多與宋同。朝賀之儀。雜用唐宋。華樂之五音爲一音。裁禮之九拜爲三拜。其樂之器與曲。則皆唐也。內外州郡二十有二。河南州有九。靈州有銀。夏石。鹽。南威。會河。西州有九。典定。懷永。涼。甘。肅。瓜。沙。河。外之州四。西寧。樂。廓。積石。其地饒五穀。尤宜稻麥。古渠有曰唐涼曰漢源。皆支引黃河灌漑之利。畜牧甲于天下。土產腴。水清冽。風氣廣莫。民俗強悍。洵爲地勢使然。其民一家號一帳。男年十五爲丁。故壯者皆習戰鬪。而得正軍爲多。凡正軍給長生馬。駝各一團練使以上帳一弓一箭。五百刺史以下無帳。無旗。鼓人各乘駝一箇。三百兵三人同一幕。有砲手號發喜。於橐駝鞍縱石如拳。得漢人勇者爲前軍。號幢令郎有左右廂。

十二監軍司左廂神勇右廂朝順石州祥祐宥州嘉寧韋州靜塞西壽保泰卓囉和南甘州甘肅瓜州西平黑水鎮燕白馬強鎮黑山威福總計五十餘萬。別有擒生十萬。每有事於西則自東點集而西。于東則自西點集而東。中路則東西皆集。用兵多立虛砦。設伏兵包敵。以鐵騎爲前軍。乘善馬。衣重甲。則斫不入。用鈎索絞懸。雖死馬上不落。遇戰則先出鐵騎突陣。陣亂然後衝擊之。步兵挾騎以進。戰則大將居後。出戰率川隻日避晦日齋糧。不過一句。弓皮弦矢沙柳簞惡雨雲晝舉烟揚塵夜篝火以爲候。不耻奔遁。敗後三日輒復至其處。捉人馬射之。號曰殺鬼招魂。或縛草人埋於地。衆射而還。篤信機鬼尚詛祝有病不用醫藥。召巫者送鬼。或遷他室謂之閃病喜。報仇有喪則不伐人負甲棄于背。識之仇解。用牲血和酒貯於櫛囊中飲之。誓曰



若復報仇殺妻不收男女禿癩六畜死蛇入帳有力小不能復者集婦人趨之仇家不敢敵俗曰敵女兵不祥輒避去乃焚廬舍而還有殺人者納命錢百二十千訴官亦然每出兵則先卜卜有四一以艾灼羊脾骨以求兆謂之炙勃焦二擗竹于地若擗著以求數謂之擗算三夜牽羊焚香祝之又焚穀火布靜處次晨屠羊視其腸胃通則吉羊心有血則不利又以四矢擊弓絃聽其聲知敵至之期與戰之勝負及六畜灾祥五穀凶稔俗皆土星惟有官者得以瓦覆然能崇尚儒術尊孔子以帝號文章辭命有可觀者凡抗衛遼金宋三國傾鄉無常視三國勢之強弱以爲異同焉